

書



文翰類選大成卷第五十五七言律目錄

宋

仁宗 一首 孝宗 一首 曹翰 一首

刁衍 一首

李九齡 一首 徐鼎臣 三首 張師亮 一首

陳圖南 一首

王巖 一首 魏仲先 三首 鄭文寶 二首

林君復 十四首

王元之 五首 向常之 一首 陳亞之 一首

李昌父 一首

劉昌言 一首 楊仲猷 三首 趙彥先 一首

李明遠 二首

寇平仲 一首 胡武平 四首 趙叔靈 二首

王和甫 二首

蘇子美 三首 蘇明允 一首 仲訥 一首

李虛已 二首

元厚之 一首 陳述古 九首 余靖 一首

夏子喬 一首

楊大年 計二首 楊契元 二首 歐陽永叔 七首

謝伯初 一首

梅聖俞 三十首 趙又若 一首 羅正之 一首

范希文 四首



王立之二首 宋公序五首 元章簡三首 滕白一首

高子勉一首 韓稚圭二首 徐師川三首 晏同叔四首

方子通一首 丁公言三首 強幾聖一首 石曼卿二首

鄒道卿一首 范堯夫三首 毛澤民二首 唐子方一首

徐致中一首 蔡君謨二首 李先之二首 王正美一首

魯交一首 張子野一首 王介甫四首 潘邠老一首

吳子副一首 賀方回四首 余良弼一首 杜世昌二首

洪光弼一首 楊公濟三首 司馬君實一首 曾子固六首

邵堯夫三首 程伯淳三首 蘇子瞻九首 陳師道一首

葉濤一首 楊元素一首 黃魯直二首 陳希元二首

陳令舉一首 舒雅一首 周開祖一首 蘇子由七首

王逢原一首 陳無已二首 周尹潛一首

任德翁一首 劉景文一首 宋子京四首 唐子西五首

曾子開二首 秦少游四首 王平甫八首 韓子蒼三首

范雍一首 刑惇夫一首 張文潛八首 鄭毅夫八首

李誠之一首 沈存中一首 徐佇車一首 鄒志完一首

俞秀老一首 謝無逸一首 呂居仁九首 郭功甫一首

彭器資一首 張伯常一首 黃知命一首 晁君成一首

詹中正二首 廖用中一首 趙閱道二首 陸農師二首

呂元直三首 晁無咎三首 錢師聖五首 趙德麟一首

劉子儀八首 王禹玉十一首 劉貢父四首 張芸叟一首

朱仲新一首 崔德符二首 王簡卿一首 王彥霖一首



文翰類選大成卷第五十五七言律目錄

文翰類選大成卷之五十五

詩類 七言律

宋

賞花釣魚 仁宗

晴旭輝之苑籞開氤氳花氣好風來遊絲胃絮繁行仗墮  
飄香入酒盃魚躍文波時撥刺鶯留深處久徘徊青春朝野  
方無事故許遊觀近侍陪

秋日臨幸秘書省因成近體詩一首賜丞相史

浩以下 孝宗

玉軸牙籤煥寶章  
紳侍列映秋光  
宴開芸閣儒風盛  
坐對

左長史上海李伯璣編輯  
伴 讀慈齋 厚校正



蓬山逸興長稽古  
石文慙菲德禮賢  
下土法前王欲臻  
至治觀熙治更罄  
嘉謀為替其襄

內宴應制 曹翰太祖時名將蓋武毅公

三十年前學六韜  
英名嘗得預時髦  
曾因國難披金甲  
不為家貧賣寶刀  
臂健尚嫌弓力軟  
眼明猶識陣雲高  
庭前昨夜秋風起  
羞見團花舊戰袍

漢武 刀術仕南唐為秘書後歸宋直秘閣

高宴柏梁詞可仰  
橫分簫鼓樂難窮  
已教丞相開東閣  
猶使將軍候北戎  
灑淚甘泉還有恨  
祈年仙館借成空  
誰知辛苦回中道  
共盡千齡五柞宮

贈馬道士 李九齡乾德五年進士

水共逍遙雲共孤  
混時言笑只佯愚  
經年但醉宣城酒  
千里

惟檐華嶽圖尋野  
鶴來空碧洞不負  
琴僧去渡重湖入  
人間再見知何日  
乞取先生石轆轤

和御製夏日垂釣作 徐鼎臣

物茂時平日正長  
翠華停馭睇方塘  
文竿作拂圓荷動  
頰尾時翻素荇香  
睿賞只應從暇豫  
聖恩寧肯間沉翔  
吞鈎自是貪芳餌  
猶笑成湯一面張

寒食成判官垂訪

常年寒食在京華  
今歲清明在海涯  
遠巷蹋歌深夜月  
隔牆吹管數枝花  
鴛鴦得路音塵濶  
鴻鴈分飛道里賒  
不是多情成二十  
斷無人解訪貧家

送鄧王二十弟牧宣城

禁裏秋光似水清  
林烟池影共離情  
暫離黃閣只三載  
却望



紫垣都數程滿座清風天子送隨車甘雨路人迎彤霞閣上題詩在從此還應有頌聲

豫章胡氏華林書堂

張師亮

名齊賢尚書拜相謚文定

一百年來烟爨同衣冠江左慕家風兒孫歌舞詩書內鄉黨優游禮讓中孝悌筠編爭紀錄門閭天語賜褒崇莫將六闕方朱氏葉之蒸之奉始終

歸隱

陳圖南

十年蹤跡走紅塵回首青山入夢頻紫陌綵榮爭及睡朱門雖富不如貧愁聞劔戟扶危主悶見笙歌醉人携取舊書歸舊隱野花啼鳥一般春

殘冬客次資陽江

王巖

淡雲殘雪簇江天策蹇遲回客興闌持鉢老僧來呪水倚船

商女待柳灘沙翹白鷺非真靜竹映繁梅柰苦寒阮籍莫嗟岐路異舊山溪畔有漁竿

晨興

魏仲先

夜長久待得晨興耽睡童猶喚不應燒葉爐中無宿火讀書窓下有殘燈臨堦短髮梳和月傍岸衰容洗帶水料得巢禽翻恠訝尋常日午起慵能

秋日登樓客次懷張覃進士

聞說飄零亦異鄉登樓吟望益悲涼當時欲別言難盡他日相逢語更長蟬噪水村千萬樹鴈過雲岫兩三行明朝策蹇還無定空凭危闌到夕陽

秋霽草堂閑望

草堂高迥勝危樓時節殘陽向晚秋野色青黃禾半熟雲容



黑白雨初收依々未巷聞村笛隱々長河認客舟正是詩家  
好風景懶隨前輩却悲愁

讀江梅傳

鄭文寶

行人慵過景陽宮官畔離々未黍風庭玉有花空怨白井蓮  
無步莫愁紅吟詩功業才雖大亡國君臣道最同爭忍暮年  
歸故里綸竿迴避釣魚翁

溫泉

潺湲如燎嶺雲陰玉石魚龍換古今只見開元無事久不知  
貞觀用功深龍無解語衣無雪堆有黃沙粟有金惆悵胡鷄  
負恩澤始知夷甫少經心

梅花五首

林君復

吟懷長恨負芳時為見梅花輒入詩雪後園林總半樹水邊

離落忽橫枝人憐紅豔多應俗天與清香似有私堪笑胡  
亦風味解將別調角中吹

幾回山脚又江頭遠著瑤芳看不休一味清新無我愛十分  
孤靜與伊愁任教月老須微見却為春寒得少留終共公言  
數來者海棠端的免包羞

宿靄相黏凍雪殘一枝深映竹叢寒不辭日々旁邊立長顛  
年々未上看藥訝粉銷裁太碎帶疑紅蠟綴初乾香竊獨酌  
聊爲壽後此群芳興亦闌

小園煙景正淒迷陣々寒香壓麝臍池水倒窺踈影動屋簷  
斜入一枝低畫工空向閑時看詩客休徵故事題慚愧黃鸝  
與蝴蝶祇知春色在挑蹊

孤根何事此柴荆村色仍將臘後弄橫隔片煙爭向靜半黏



殘雪不勝清等閑題詠誰為媿子細相看似有情搔首壽陽  
千載後可堪三青草雜芳英

山園小梅三首

衆芳搖落獨暄妍占盡風情向小園踈影橫斜水清淺暗香  
浮動月黃昏霜禽欲下先偷眼粉蝶如知合斷魂幸有微吟  
可相狎不須檀板共金尊

數年閑作園林主未有新詩到小梅摘索又開三兩朵團欒  
空遶百千迴荒隣獨映山初盡晚景相禁雪欲來寄與清香  
少愁絕為君吟罷一銜盃

剪綃零碎點蘇乾向背稀稠畫亦難日薄縱甘春至晚霜深  
應怯夜來寒澄鮮祗共鄰僧惜冷落猶嫌俗客看憶着江南  
舊日行路酒旗斜墜拂吟鞍

夏日即事

石枕涼生茵閣虛已應梅潤入圖書不辭齒髮多衰疾所喜  
林泉有隱居粉竹亞梢垂宿露翠荷踈影聚遊魚北窓人在  
羲皇上時為淵明一起子

秋日湖西晚歸舟中書事

水痕秋落蟹螯肥閑過黃公酒舍歸魚覺船行沉草岸犬聞  
人語出柴扉蒼山半帶寒雲重丹葉踈分夕照微却憶青溪  
謝太傅當時未解惜蓑衣

湖山小隱二首

道着權名便絕交一峯春翠濕蘅茅莊生已憤鴟鷂嚇揚子  
休譏蠅螟嘲滄之藥泉來石竇霏之茶鷲出松梢琴僧近借  
南薰譜且併閑工子細抄



閑搭綸巾擁纒囊此心隨分識興亡黑頭為相雖無謂白眼  
看人亦未妨雲噴石花生劔壁雨敲松子落琴床清猿幽鳥  
遙相叫數筆湖山又夕陽

### 西湖

混元神巧本無形匠出西湖作畫屏春水淨於僧眼碧晚山  
濃似佛頭青欒檀粉堵搖魚影蘭社煙叢閣鷺翎往々鳴榔  
與橫笛細風斜雨不堪聽

### 易從上人山亭

湖水汪灣隔數峰離門和竹夾西東閑來此地行無厭又共  
吾廬看不同靈隱路歸秋色裏招賢庵在鳥行中屏風若欲  
相挽見合把晚岩與畫工

### 過鴻溝

王元之

侯公緩頰太公歸項籍何曾會戰機只見鴻溝分兩界不知  
塚下有重圍危橋帶雨無人過敗葉隨風傍馬飛半日垂鞭  
念前事露莎霜樹映斜暉

### 書懷簡孫何丁謂

三入承明已七年自慙蹤跡久妨賢吾子幾時歸鳳閣老夫  
方欲買魚船季路旨甘知已矣潘安毛髮更皤然舉人自代  
何由得歸去東臯種水田

### 病起思歸二首

年來多病轉思山終日呻吟簿籍間叔夜養生休著論陶潛  
雖死只應閑又移郡印三年調絕報君恩兩鬢斑安得便歸  
田里去松篁泉石掩柴關

四十為郎非不偶况曾題筆直瀛洲明時遇主誰甘退白髮



侵人自合休夢得蹉跎因出郡薛能詩什耻監州春來病起  
思歸甚未敢飛章達冕旒

滁州寄舊僚

要見滁州謫宦情信緣隨俗且營之  
不誇兩制詞臣貴多伴  
三班奉職行樓堞倚空乘月上樽罍有酒對山傾  
升沉得喪何須問况是浮生已半生

偶吟遣懷

向常之

名敏中左僕射謚文簡

昔為宰輔居黃閣今作元戎控夏臺  
萬里蒼黔慙受賜一方清晏有何才  
紫宸宵之彌年別紅旆翻之映日開  
將相官榮如我少不須頻獻手中杯

懷舊隱

陳亞之

名亞仕至司封郎中

多媿當年未第間卜居人外得清閑  
排聯花品曲日非替愛惜

苔錢不是慳秋閣詩情天淡之夕溪漁思月彎之而今慚厚  
明朝祿敢念藏愚莫買山

南朝

李昌父名宗諤知制誥

仙華玉壽曉沉之三閣齊雲復道深  
平昔金鋪空廢死于今瓊樹有遺音  
珠簾映寢方成夢麝壁飄香未稱心  
惆悵雷塘都幾日吟魂醉魄已相尋

上呂相公

劉昌言

重名清望徧華夷恐是神仙不可知  
一舉首登龍虎榜十年身到鳳凰池  
廟堂只似無言者門館長如未貴時  
除却洛京居守外聖朝賢相復書誰

漢陽晚泊

楊仲猷

傍橋吟望漢陽城山遍樓臺徹上層  
犬吠竹籬沽酒客鶴隨



苔岸洗衣僧踈鍾未徹聞寒漏斜月初沉見遠燈夜靜鄰船  
問行計曉帆相與向巴陵

寒食中寄鄭起侍郎

清明時節出郊原  
寒食中寄鄭起侍郎  
山城柳映門水隔淡煙踈竹寺路經  
踈雨落花村天寒酒薄難成醉地迫樓高易斷魂回首故山  
千里外別離心緒向誰言

贈譚先生

古觀重之遶翠微  
三山放鶴歸  
長生理擬向塵中便拂衣

書懷

柳影槐陰綠遶廳日長細得話詩  
趙彥先

黃鸝又一聲筆墨生涯成冷淡筍  
真刀蜜有底驅馳取重輕

仙客

李明遠

胎化仙禽性本殊何人攜尔到京都  
閑庭伴野夫  
終歸去暫處鷄群莫嘆吁

禁林春直

踈簾搖曳日輝之直閣深嚴半掩扉  
無事認書稀樹頭百轉鶯之語  
居此地妨賢尸祿自知非

春日書懷

寇正仲

曾讀前書笑古今耻隨流俗信浮沉  
終期直道扶元化敢為



虛名役片心默坐野禽啼畫景閉門官柳長春陰世間事了  
先須退不待霜毛漸滿簪

飛將

胡武平

曾從嫖姚立戰功胡雛猶畏紫髯翁雕戈夜統千廬衛緹騎  
秋收五祚宮後殿拜恩金印重北堂開宴玉壺空後來敵國  
威名大麾下多稱黑相公

過桐廬

兩岸山花中有溪山花紅白徧高低靈源忽若乘槎到仙洞  
還同採藥迷二月辛夷猶未落五更鴉白最先啼茶煙漁火  
遙堪畫一片人家在水西

公子

北第當衢戟有衣巾帷鮮媚僕如犀萬錢供筴鳴鍾沸三組

深院老僧眠桃花欲放條風後茶葉新供谷兩前衰會賞時  
多狎客我無岐路近神仙

哀曹觀

元厚之

轉戰譙門日欲晡空拳猶自犯戈鈇身垂虎口方安坐命在  
鴻毛更疾呼柱下臬卿存斷節袴中杵白得遺孤空餘三尺  
英雄氣不愧山西士大夫

經武夷山

陳述古

高壘層巒接遠空瑞雲晴藹氣溶溶高於太華五千仞秀出  
巫陽十二峯蕙帳曉寒飛鶴怨桃源春盡落花濃鸞凰一嘯  
最深處仙客樓臺有幾重

悼古

碧城樓角重凝眸迤邐平原接古丘七國戰爭人不見六朝



興廢水長流遠烟芳草年々事明月清天夜々愁范蠡功成  
在何處五湖波上一扁舟

和子瞻公牒京口憶西湖出遊見寄

春陰漠々燕飛々可惜春風與子違半嶺烟霞紅旆入滿湖  
風月畫船歸綵笙一闕人何在遼鶴重來事已非猶憶去年  
題別處鳥啼花落客沾衣

春日賞林亭

把酒春亭覽重芳水精簾箔逗山光孤松冷落千年操野槿  
紛華一日香綠圃煙波逐蚊蝶曲池波暖曬鴛鴦文園莫惜  
驕裘費買取宜城作醉鄉

春日書事

三城樓閣半沉煙雨霽春華闌遲如萬疊翠茵芳草地一番

輕雪落梅天南園曉色迷蝴蝶西蜀風光怨杜鵑誰向武陵  
歸未得桃花流水路綿綿

謁真祠

海宮天路杳無涯萬里星洋駐客接月下旌旗仙女仗雲中  
樓閣羽人家戀戀絲綫引霓裳曲綺席深傾玉酒霞阿母未歸  
方朔去碧苑何日重開花

和公序庫部觀孔雀因呈東玉少卿

修尾裁冠蜀錦裁飄流應自玉關來閑窺水鑑精神出靜刷  
金華羽翼開野思未饒鵬灑落羈栖聊與鴈低回不因久在  
司空館平日誰憐玉客才

古城

蘆葦蕭疎天氣清水含山色照重城綠蕪何處管絃地碧落



舊時鍾鼓聲三峽橋邊秋雨過六鼇宮裏夜潮生蕭郎秦女  
無歸約十二瑤臺空月明

慈聖光獻大皇后挽詩

慶壽蟠桃曉露昏忽聞笳鼓咽都門宮闈有範遺文母社稷  
無憂付聖孫四海心喪同祖妣一封手詔易陵園君王孝感  
凌穹昊未盡東朝欲報恩

落花

余靖

小園斜日照殘芳千里傷春意未忘金谷已空新步障馬嵬  
徒見舊香囊鶯來似結啼鸞怨蝶散應知夢雨狂清賞又成  
經歲別却歌團扇寄迴腸

奉和御製上元觀燈

夏子喬

魚龍曼衍六街呈金鎖通宵啓玉京丹之遊塵生輦道進

春箭入歌聲寶玦月嫩龍燈淡紫館風微鶴隊平宴罷南端  
天欲曉迴瞻河漢尚盈盈

公子

楊大年

夾道青樓拂綵霓月軒宮袖按前溪錦鱗河伯供烹鯉金距  
鄰翁逐鬪鷄細雨墊巾過柳市輕風側帽上銅鞮珊瑚擊碎  
牛心熟香草蘭芳客自迷

漢武

蓬萊銀闕浪漫之弱水回風欲到難光照竹宮勞夜拜露溥  
金掌費朝飡力通青海求龍種死諱文成食馬肝待詔先生  
齒編貝那教索米向長安

寄靈仙觀舒職方學士

綠髮即潛不記年却尋丹竈味靈篇華陰學霧還成市彭澤



橫琴豈要絃曉案祇因食沆瀣夜灘誰見美潺湲須知吏隱  
金門客待乞刀圭作地仙

梨

繁花如雪早傷春千樹封侯未是貧漢苑謾傳盧橘賦驪山  
誰識荔枝塵九秋青女霜添味五夜方諸月溜津楚客狂醒  
嘲已解水風猶自獵汀蘋

南朝

五鼓端門漏滴稀夜籤聲斷翠華飛繁星曉埭聞鷄度細雨  
春場射雉歸步試金蓮波濺襪歌翻玉樹涕沾衣龍盤王氣  
終三百猶得澄瀾對敞扉

明皇

玉楫開觀檢未封闕鷄三百遠相從紫雲度曲傳浮世白石  
標年巖半峰河朔叛臣驚舞馬渭橋遺老識真龍蓬山鈿合  
愁通信回首風濤一萬重

書懷寄劉五二首

風波名路壯心殘三徑荒涼未得還病起東陽衣帶緩愁多  
騎省鬢毛斑五年書命塵西閣千古移文愧北山獨憶瓊林  
苦霜霰清樽歲晏強酡顏

世事悠悠未遽央虛名負意兩相忘休誇失馬曾歸塞未省  
牽牛解服箱四客高風驚楚漢五君新詠弃山王秋來安有  
漁樵夢多在箕峰潁水傍

成都

五丁力盡蜀川通千古成都綠酎濃白帝蒼空蛙在井青天  
路險劔為峰漫傳西漢祠神馬已見南陽起臥龍張載勒銘



堪作戒莫於函谷 九封

始皇

衡石量書夜漏深咸陽宮闕杳沉々滄波沃日虛鞭石白刃  
凝霜在鑄金萬里長城穿地脉八方馳道聽車音儒坑未冷  
驪山火三月青煙遠翠岑

無題二首

曲池波暖蕙風輕頭白鴛鴦占綠萍  
纔斷歌雲成夢雨陵迴笑電作噴霆  
湘蘭自古傳幽怨秦鳳何年入杳冥  
不待萱犀蠲薄怒閑階鬪雀有餘翎

合歡蠲忿亦休論夢蝶翩々逐怨魂  
祇待傾城終未笑不曾亡國自無言  
風翻林葉迷歸燕露裊池荷觸戲鴛  
湘水東流門門烟望千古見啼痕

莎衣

楊契元

軟綠柔藍着勝衣倚船吟釣最相宜  
兼葭影裡和煙臥菡萏香中帶雨披  
狂脫酒家春醉後亂堆漁舍晚晴時  
直饒紫綬金章貴未肯輕々博換伊

秋日閑居

忽聞高柳噪新蟬厭暑情懷頓豁然  
庭檻夜涼風撼竹池塘香散水搖蓮  
鱸魚鱠憶奔江浦焦尾琴思換蜀絃  
莫遣金樽空對月滿樹高鳴混流年

禮部貢院闈進士試

歐陽永叔

紫案焚香暖吹輕廣庭清曉席群英  
無譁戰士銜枚勇下筆春蠶食葉聲  
鄉里獻賢先德行朝廷列爵待公卿  
自慚衰病心神耗賴有群公鑒識精



唐崇徽公主手痕

故鄉飛鳥尚啁啾，何況悲笳出塞愁。  
青塚埋魂知不返，翠崖遺迹為誰留。  
玉顏自古為身累，肉食何人與國謀。  
行路至今空嘆息，巖花野草自春秋。

會老堂口號

欲知盛席繼荀陳，請看當筵主與賓。  
金馬玉堂三學士，清風明月兩閑人。  
紅芳已過鶯猶囀，青杏初嘗酒正醇。  
好景難逢良會少，乘歡舉白莫辭頻。

送李留後知鄆州

北州能事謫佳聲，東土還聞政有成。  
組甲光寒夜帳綵，旗風爍看春耕金釵墜。  
髮分行立玉塵高，談四座傾富貴常情。  
誰不愛羨君瀟灑，有餘清。

酌王君玉中秋席上待月值雨

池上雖然無皓魄，樽前殊未減清歡。  
綠醅自有寒中力，紅粉猶宜燭下看。  
羅綺塵隨歌扇動，管絃聲雜雨荷乾。  
客舟閑臥王夫子，詩陣誰教王將壇。

送王平甫下第

歸袂搖心浩然曉，船鳴鼓轉風難朝。  
廷失士有司耻貧賤，不憂君子難執手。  
聊須為醉別還家，何以慰親懽。  
自慚知子不能薦，白首胡為侍從官。

書王元之畫像側

偶然來繼前賢迹，信矣皆如昔日言。  
諸縣豐登少公事，一家飽暖荷君恩。  
想公風采常如在，顧我文章不足論。  
名姓已光青史上，壁間容貌任塵昏。



上致政太保杜相公

儉節清名世絕倫，坐令風俗可還淳。猗先年老因憂國事，與  
心違始乞身。四海儀刑瞻舊德，一樽談笑作閑人。鈴齋幸得  
親師席，東向時容問治民。

內直對月

禁署沉沉玉漏傳，月華灑灑溢金盤。纖埃不隔光初滿，萬物  
無聲夜向闌。蓮燭燒殘香篆盡，薰爐熏歇覺衣單。水晶宮瑣  
黃金闕，故比人間分外寒。

下直

宮柳街槐綠未齊，春寒不解白雲低。輕寒漠漠侵駝褐，小雨  
班班作燕泥。報國無功嗟已老，歸田有約一何稽。終當自駕  
柴車去，獨結茅廬潁水西。

會老堂會趙公

古來交道愧難終，此會今時豈易逢。出處三朝俱白首，凋零  
萬木見青松。公能不遠來千里，我病猶堪醕一鍾。已勝山陰  
空輿盡，且留歸駕為從容。

早朝感事

踈星牢落曉光微，殘月蒼龍闕角西。玉勒當門隨仗入，牙牌  
立殿報班齊。羽儀雖接鴛兼鷺，野性終存鹿與麋。笑殺汝陰  
常處士，十年騎馬聽朝鷄。

戲荅丁元珍

春風疑不到天涯，二月山城未見花。殘雪壓枝猶有橘，凍雷  
驚笋欲抽芽。夜聞歸鳥生鄉思，病入新年感物華。曾是洛陽  
花下客，野芳雖晚不須嗟。



夷陵歲暮書事呈元珍表臣

蕭條鷄犬亂山中時節崢嶸歲已窮遊女鬢鬟風俗古野平  
歌舞歲年豐平時都邑今為陋敵國江山昔最雄荆楚先賢  
多功迹不辭携酒問鄰翁

寄秦州田元珍

立學邊將用儒臣坐以威名撫漢軍萬馬不嘶聽號令諸蕃  
秘事樂耕耘夢回玉帳聞羌笛詩就高樓對壘雲莫忘鎮陽  
愛在北潭桃李正氛氲

借觀五老圖次韻

脫遺軒冕就安閒笑傲丘園縱倒冠白髮憂民雖種之丹心  
許國尚桓之鴻冥得路高難慕松老無風韻自笑聞說優游  
多倡和新篇何惜盡傳看

秋日與諸公馬頭山登高

晴原霜後石榴紅佳節登臨興未窮日汎花光搖露際酒浮  
山色入樽中金壺恣灑毫端墨玉塵交揮席上風惟有淵明  
偏好飲籃輿落之一衰翁

許昌公字書懷主歐陽脩王介甫 謝伯初

十年趨競浪求榮因得閑曹減宦情亂種黃花添野景旋移  
高竹聽秋聲驅馳殘事攜干祿約勒清狂為近名早晚持竿  
釣鱸鰓双溪煙雨一舟橫

後殿書事和范純仁

梅聖俞

天子尋常幸直廡裏頭宮女捧雕輿紅泥已賜春醅酒黃帕  
曾經御覽書林果鳥應銜去後燕巢虫有落來餘禁中事事  
能傳詠播在人間不是虛



較藝和王禹玉內翰

分庭各拜士傾心，却下朱簾絕語音。  
萬蟻戰來春日永，五星明聚夜堂深。  
力槌頑石方逢玉，盡撥寒沙始見金。  
淡墨榜名何日出，金明池苑可能尋。

謝永叔答述舊之作和禹玉

天下才名罕有雙，今逢陸海與潘江。  
筆生造化多，辦聲滿華夷。  
一之降金帶，繫袍迴禁署。  
翠娥持燭侍吟窓，人間榮貴無如此。  
誰愛區之擁節幢。

較藝贈永叔和禹玉

今看座主與門生，事之相同舉世榮。  
並直禁林司詔令，又來西省選豪英。  
飛龍借馬天邊下，光祿供醪月底傾。  
食葉蟬聲句備美，當時曾記賦將成。

次韻景彝赴嘗直宿正心上

烏紗帽底青眸轉，朱雀街頭玉轡搖。  
燈火高樓吹短笛，簾櫳斜巷隘初宵。  
身歸蘭省惟看月，心在天津欲倚橋。  
枕上夜深應不寐，羨他年少酒微銷。

朝

木鐸初開水上城，竹籬深閉日光生。  
青苔井畔雀兒鬪，烏柏對頭鴉舅鳴。  
世事但知開口笑，俗情休要着心行。  
是非不道任挑撻，唯憶當時阮步兵。

和張民朝謁建隆寺二次用寫望試筆韻

荒臺殘壘舊名邦，曾說王師此受降。  
西漢衣冠拜原廟，五天龍象護經窓。  
蜀岡井味人猶品，隋帝宮基闕尚雙。  
自古興亡不須問，風鈴閑聽響幡幢。



和臘前

漢家戌日看之近雲景蒼茫已歲昏欲驗方書治百藥預先  
飛走獵平原土人熏肉經春美宮女藏鉤舊戲存獨把凍醪  
驚節物草芽微凍見庭萱

東溪

行到東溪看水時坐臨孤嶼發船遲野鳥眠岸有閑意老樹  
著花無醜枝短之蒲茸齊似剪平之沙岸淨於篩情雖不厭  
住不得薄暮歸來車馬疲

上元從主人登尚書省東樓

閭闔前臨萬歲山燭龍銜火枝珠還高樓迥出星辰裏曲盖  
遙瞻紫翠間輕轆車聲碾明月參差蓮焰競紅顏誰教言語  
如鸚鵡便着金籠密鎖關

自和二首

沉水香焚金博山杜陵誰復與車還馬尋綺陌知何處人在  
珠簾第幾間法部樂聲長滿耳上樽醇味易醅顏更貧更賤  
皆能樂十二重門不上關

康莊咫尺有千山欲問紫姑應已還人似嫦娥來陌上燈如  
明月在雲間車頭小女雙垂鬢簾裏新粧一破顏却下玉梯  
鷄已唱謾言齊客解偷關

和永叔中秋月夜會不見月酬王舍人

主人待月敞南樓淮雨西來陡變秋自有嬋娟侍賓榻不須  
迢遞望刀頭池魚暗聽歌聲躍蓮的明傳酒令優更愛西垣  
舊詞客共將詩興壓曹劉

依韻和李舍人旅中寒食感事



一百五日風雨急斜飄細濕春郊衣  
花半殘意思少客子  
漸老尋遊非戢之車後九門盛家之煙  
火萬家微今朝甘自  
居窮巷無限墻間得醉歸

依韻和叔治晚見梅花

楚人住處將為援越使傳時合有詩  
常是臘前混雪色却驚  
春半見瓊姿笛吹遠曲還多怨風送清  
香似可期我欲細看  
持在手誰人為折向南枝

梅花二首

已先群卉得春色不與杏花為比紅  
薄之遠香來澗谷疎之  
寒影近房櫳全枝惡折憎鄰女短笛橫  
吹怨楚童墜臺誰將  
呵在髮藥殘金粟上眉蟲

江南臘月前溪上照水野梅多少株  
豔

得自許到鷓鴣

曾不逐蜂鬚桃根有妹猶含凍杏樹  
為鄰尚帶枯楚客且休  
吹玉笛清香飄盡更應無

和梅花

特之不甘春着力年之能占臘前芳  
水邊攀折此中女馬上  
嗅尋何處郎山舍更清裁作援鳳樓  
偏巧學成粧團枝密葉  
都如雪野雀飛來翅合香

援長八寸  
直刃也

次韻和酬刁景純春雪戲意

雪與春歸落歲前曉開庭樹有餘妍  
楊花撲之白漫地蛺蝶  
紛之飛滿天胡馬嘶風思塞草吳牛喘  
月困沙田我貧始覺  
今朝富大片如錢不解穿

依韻和歐陽永叔邀許發運

着取主人無俗調風前喜御夾衣涼  
競邀三五最圓魄知比



尋常特地光艷曲旋教應可聽秋花雖種未能香曾非惡少  
休防准衆寡而今不易當

小村

淮潤州多忽有村棘籬踈敗謾為門寒鷄得食自呼伴老叟  
無衣猶抱孫野艇鳥翹唯斲纜枯桑水齧只危根嗟哉生計  
一如此謬入王民版籍論

送刁景純學士使北

常聞朔北寒尤甚已見黃河可過車駟騎駸々持漢節邊風  
慘々聽胡笳朝供酪粥冰生挽夜臥氊廬月照沙侍女新傳  
教坊曲歸來偷賞上林花

送張待制知越州

滄海東邊會稽郡朱輪遠下相臣家已同雲漢星辰轉不與  
鑑湖風月賒越箭抽萌供美茹秦山堆翠照高牙買臣嚴助  
前時貴破盜論功未足誇

送唐紫微知蘇臺

洞庭五月水生寒盧橘楊梅已滿盤秦伯廟前看走馬闔閭  
城下見駢鸞吳娃結束迎新守府吏趨階拜上官曾過揚州  
能慣否劉郎多惡底勸須寬

送余少卿知睦州

青山峽裏桐廬郡七里灘頭太守船雲霧未開藏宿鳥坡原  
將近見燒田養茶摘藥新春後種橘收包小雪前民事蕭條  
官政簡家書時問雪溪邊

送趙諫議知徐州及

鹿車幾兩馬幾疋軫建朱轡騎鼓弓兩過短亭雲新續鷺啼



高柳路西東呂梁水注千尋險大澤龍歸萬古空莫問前朝  
張僕射毬場細草綠蒙蒙

二月七日吳正仲遺活蟹

年々收稻賣江蟹二月得從何處來滿腹紅膏肥似髓貯盤  
青殼大於杯定知有口能噓沫休信無心便畏雷幸與陸機  
還往熟每非吳味不嫌猜

春日拜壅經田家

田家春作日之近丹杏破紅  
水入低田流桑芽將綻霧  
固不遠紫宸已夢瞻珠旒

寄題徐都官新居似山

太湖萬穴古山骨共結峯巒  
一道接墻隅已知谷口多花藥抵欠林間落狎鼯誰侍巾櫛

此遊樂里中遺老肯相呼  
太師相公篇章真草過人遠甚而特將大後進流于  
詠言輒依韻和

杜詩常說少陵豪祖德兼誇翰墨高蘇李為奴令侍席鍾王  
北面使持毫郊麟作瑞唯逢趾天馬能行不辨毛一誦東山  
零雨句無心更學楚離騷

奉和姚仲美臘梅

趙又若

陽和都未見芳菲初喜寒苞發故枝絕色復無朱粉態真香  
寧許燕鶯知凝愁金谷登樓日斂黛溫泉賜浴時寫作新聲  
傳玉笛誰人持向月中吹

送致政太師文潞公

羅正之



曾將故老較量看五福如公信是難潞國封來多有歲太師  
以上更無官應留妙筭安神器必得人才薦將壇他日宋家  
青史上始終臣節雪霜寒

送石曼卿

范希文

河光岳色過秦關英氣飄飄酒滿顏賈誼書成動西漢謝安  
人笑起東山身途去覺雲天近舊隱回思水石閑此道聖朝  
如不墜疏封宜在立談間

睢陽學舍書懷

白雲無賴帝鄉遙漢苑誰人奏洞簫多難未應歌鳳鳥薄才  
猶可賦鷓鴣瓢思顏子心還樂琴遇鍾君恨即消但使斯文  
天末喪澗松何必怨山苗

依韻酬吳春卿瘦鶴

華亭孤立病時身終日徘徊尚海濱露掌思高還警夜芝田  
音斷欲傷春千年靈氣何求藥八變奇姿已過人莫厭在陰  
猶寡和九臯非晚見精神

與人約訪林處士阻雨因寄

閑約諸公訪隱居江天風雨忽飄零方憐春滿王孫草可忍  
雲遮處士星蕙帳未容登末席蘭舟無賴寄前汀湖山早晚  
逢晴霽重待尋仙入翠屏

上巳遊金明池

王立之

遊絲隨絮惹行人酒肆歌樓駐畫輪鳳管遏回雲舟龍舟  
衝破浪粼日斜黃繖歸馳道風約青帘認別津朝野歡娛  
真有象壺中要見四時春

府齋歲宴節物感人輒成拙詩上寄昭文相公



樞密太尉

宋公序

處世何曾盡值才虛名高位自驚猜  
千重浪裡隨流出百尺竿頭試險回  
衰髯不徒欺曉雪孤心兼欲伴寒灰  
嵩陽穎曲風烟接已仗歸雲作隱媒

寄子京

八年三郡駕朱輪更忝鴻樞對國鈞  
老去師丹多忘事少來文武不如人  
車中顧馬空能數海上逢鷗想見親  
唯有弟兄歸隱志共將耕鑿報堯仁

重展西湖

綠鴨東陂已可憐更因雲竇注西田  
鑿開魚鳥忘情地展盡江湖極目天  
向夕舊灘都浸月過寒新對便留烟  
使君直欲稱漁叟願賜開州不計年

落花

一夜春風拂苑墻歸來何處剩淒涼  
漢臯珮冷臨江失金谷樓危到地香  
淚臉補痕頰隨舞臺收影費鸞腸  
南朝樂府休賡曲桃葉桃根盡可傷

閏十二月望日立春禁中作

閏曆先春破臘寒綵花金勝寵千官  
冰從太液池邊動柳向靈和殿裏看  
瑞氣因風生禁仗暖暉依日上仙盤  
須知聖運隨生殖萬國年々共此懽

送君貺宣徽太尉歸洛

元章簡

萬釘還帶照龜綬冠蓋郊西送使華  
去國正逢梁苑雪探春先得洛城花  
樓臺紫府神君館松石平泉太尉家  
四紀交遊驚晚暮白頭分袂一咨嗟



冲之相公拜相

天聖年中桂籍人而今二十五回春親逢舜燭圖鄰弼首見  
堯龍秉化鈞百辟望公承約束四方多士仰經綸為儒富貴  
皆隆極惟祝功名日之新

和稚子與諸生登北都城樓

朔風刮面歲華邁閑擁豐貂一倚樓四野凍雲隨地合九河  
清浪着天流諸君略住方乘興吾土雖非亦解憂更得青衿  
賡雅唱連章彩筆闔銀鈎

山行

滕白

馬頭閑覺入從容疊嶂清秋度百重長見孤雲能作雨未應  
片水不藏龍花村幾處連脩竹澗石誰家倚瘦松本若無心  
許明代好尋巢許此韜蹤

荅山谷先生

高子勉

四篇詩得裏蹄金妙旨初臨法語尋要我盡除兒子氣知公  
全用老婆心平章許事真難可付囑斯文豈易任感激面東  
垂涕泗高山從此少知音

癸丑燈夕

韓推主

爭放紅蕖燎紫沉勝遊誰肯惜千金人和更有笙歌助酒美  
應無巷陌深化國光陰方甚永洞天風物不難尋如何可致  
吾民樂長似熙々此夜心

九日水閣

池館隳摧古樹荒此延嘉客會重陽雖慙老圃秋容淡且看  
黃花晚節香酒味已成新過熟蟹黃先實不須霜年來飲興  
衰難強謾有高吟力尚強



辛亥二月十五

倏忽韶光一半過，寒威猶自壓暄和。故催春色歡終減，屢失花期日旋那。病骨不禁風料峭，衰悰難遏醉吟哦。凭闌更為芳菲惜，重取輕苦擁舊科。

辛亥重九會安正堂

斯堂曾許占風光，湏到重陽復命觴。坐上半非前歲客，杯中無改舊花香。初晴已過登高事，散慮宜趁自得場。惟有一樽詩酒戰，愿開強戶振雄鋌。

即席

蕪音逢節佐賓壘，屬和當筵盡雅才。銅鉢一聲詩已就，金鈴千朶菊爭開。月明正有抽毫樂，夜永何妨秉燭回。無酒可唾彭澤令，東籬空望白衣來。

喜雨

何假噴雷擊怒桴，默傾嘉澤浹民區。經時亢隔群心駭，數月焦熬一陣蘇。已發宋苗安在振，再生莊鮒不虞枯。湏臾慰滿三農望，却歛神功寂似無。

和御製賞花釣魚

花簇香亭萬葉開，瓊輿高自九關來。輕陰閣雨留天仗，寒色凝春送壽杯。仙樂徹雲終縹渺，嘉魚逢餌幾徘徊。曾參二十年前會，今備台司得再陪。

題朝元閣

試往驅山頂上行，朝元孤絕聳崢嶸。了無樓殿嗟餘侈，自見耕桑復太平。雨後綠苔多滑徑，葉間紅子不知名。南巔更就丹霞挹，頓覺汪然病骨清。



初登休逸臺

休逸臺高復凭闌依然風月喜生顏城頭仰視新栽柳天外  
微分舊見山草色且無歸後怨禽飛同到倦時還欲知恩許  
三年幸錦爛裘輕白晝間

駕幸西太一宮道傍耕耨者皆以茶絹賜之

杪春時澤未全滂西禱真祠獲福祥蚕女捨籠驚法後耕夫  
投未目天光勤勞率有優恩汲拜賜皆知佚道長海內承風  
誰不勸何須躬籍與躬耒

駕幸金明池

西池風景出塵寰春豫方乘禁坐間庶俗一令趨壽域從官  
齊許燕蓬山樓臺金碧交輝外舟楫笙歌浩渺間與衆盡歡  
宮漏促萬花香裡駕車還

乙巳重九

苦厭繁機少適懷欣逢重九啓賓壘招賢敢並翹材館樂事  
難追戲馬臺薛布亂錢乘雨出鴈排新陣拂雲來何時得遇  
樽前菊此日花隨月令開

過井陘淮陰侯廟

破趙降燕漢業成兔亡良犬日圍烹家僮上變安知實史筆  
加誣貴有名功蓋一時誠不滅恨埋千古欲誰明荒祠尚枕  
涇間道澗水空傳哽咽聲

冬至祀墳

至日郊原擁節旄先塋躬得奉牲醪霜威壓野寒方重山色  
凌虛氣自高衣錦不來誇富貴報親惟切念劬勞連村父老  
歡相送因勸勤耕候土膏



元日記墳馬上

三朝偏喜得晴和歲美民康此驗多天運主生方啓戶土膏  
乘暖已騰波雪憑空闊高低在風引韶妍次第過霽霽正開  
先壠近太行晴景上嗟峨

癸丑初拜先墳

晝錦三來治鄴城古人無似此公榮首過先壠心還慰一見  
家山眼自明醞酒故廬延父老駐車平野問農耕便思解綬  
從田叟報國慚惟萬死輕

次日早起西墳

風入旌旗撼曉光兩壙親展喜非常濃陰蔽野瞻喬木逸勢  
橫天認太行自嘆重因寧及養縱垂三組敢誇鄉路人或指  
榮雖甚明哲何如漢子房

秋風赴先塋馬上

暫趁先壠弭旌旄因卹吾民樞事勞穀實尸傷嗟歲廩麥根  
立望春膏林踈山骨清彌瘦天濶詩魂病亦豪田舍罕逢  
車騎過聚門村婦擁兒曹

初冬祀墳二首

曉乘輕冷上平岡西歎親坐一舍強帶霽遠峰時隱見半霜  
殘葉雜青黃來牟渴雨空成壠賓鴈衝雲自着行此日初冬  
嚴祀事只增悽愴不夸鄉

西享先墳已致誠却嚴軒從指東坐鴻驚去旆參差起馬避  
柔葉詰曲行農寓兵來間即教牛無休日旱猶耕病翁寡術  
蘇疲瘵徒勸民心厚所生

再題晝錦堂



為郡偏榮畫錦歸再容鄉任古來稀  
邸人抵駭新章貴仙表  
誰瞻舊鶴飛  
浹境士民增慰悅  
一軒風物起光輝  
錢詩又志  
君恩重鼎鑊  
捐軀報亦微

乙卯寒食祀墳

鄉守三逢禁火天  
每驅旌纛掃松阡  
衰殘豈足酬恩遇  
光寵徒知及祖先  
望極西山饒勝氣  
樂筵東戶華荒年  
何時歸處墳廬下  
不假蘇秦負郭田

戊午山間對雪

徐師川

雪中出去雪邊行  
屋下吹來屋上平  
積得重之那許重  
飛來片之又何輕  
簷間日暖重為雨  
林下風吹再落晴  
表裡江山應更好  
溪山已復不勝清

庭中梅花正開用舊韻貽端伯

羌笛何勞塞北吹  
江南何處不寒梅  
千林寂之無人看  
獨樹亭之對客開  
偏為咨嗟惟爾念  
是誰移種待君來  
縱留一曲安能唱  
恰似朝歌墨子迴

同曾戶部吳縣尉張秀才北山僧房尋梅令客對碁

處之已收南畝稻  
閑之還看北山梅  
累觴聊爾酡顏在  
對局怡然笑口開  
掃徑似知佳客至  
杖藜惟可數君來  
移松種樹鄱陽老  
章甫風帆歲一迴

寓意

晏同叔

油壁香車不再逢  
峽雲無迹任西東  
梨花院落溶溶之  
月柳絮池塘淡之  
風幾日寂寥傷酒後  
一番蕭索禁烟中  
魚書欲寄無由達  
水遠山長處之同

假中示判官張寺丞王校勘



元巳清明假未開小園幽徑獨徘徊春寒不定玳<sub>之</sub>雨宿醉  
難禁艷<sub>之</sub>杯無可奈何花落去似曾相識燕歸來遊梁賦客  
多風味莫惜青錢萬選才

安昌侯

蓮勺移家近七遷曾儒章句世相傳關中沃壤通涇渭堂上  
繁聲逐管絃身服儒衣同蔡義日將卮酒對彭宣高墳丈五  
陽陵外千古朱雲氣凜然

初秋宿直

絳河星斗夜闌干禁署沉<sub>之</sub>閉九關上帝冊書群玉府仙人  
官闕巨壺山涼蟾影度秋陰薄促漏聲來夜唱閑擁鼻吟多  
欲然<sub>之</sub>嚴鍾淒斷對<sub>之</sub>馬還

次韻周楚望紅梅

清香皓質世稱奇試作輕紅更自宜紫府與丹來換骨春風  
吹酒上凝脂直教臘雪無藏處只恐朝雲有去時溪上野麇  
何足種秦人應獨未相知

山居

丁公言

峒口清香徹海濱四時芬馥四時春山多綠桂憐同氣谷有  
幽蘭讓後塵草解忘憂<sub>之</sub>底事花能含笑<sub>之</sub>何人爭如彼美  
欽天壤長薦芳香奉百神

途中盛夏

山木無陰驛路長海風吹熱透蕉裳渴思西漢金莖露困憶  
南朝石步廊江上綸竿輪散誕林間冠褐負清涼下程欲選  
披襟處滿眼蘋桐與佛桑

公舍春日



綠楊垂線草鉤茵觸處烟光舉眼新一品也須妨白髮千金  
莫惜買青春鶯聲圓滑堪清耳花艷鮮明欲照身獨向此時  
為俗吏風流知是不知人

賈麟自睦來杭復將如蘇戲贈短句 強幾聖

春風那解繫狂遊朝醉拒江暮柳洲大手千篇隨地掃一身  
四海學雲浮榮名不落閑宵夢退築聊為歲晚謀老摘殘鱸  
猶有興片心還起洞庭舟

偶成 石曼卿

力振前文覺道孤耻同流輩論榮枯動非仁義何如靜得是  
機關不似無孔孟也宜輕管晏臯夔未必失唐虞侯王重問  
吾何有且自低心混世儒

首陽

遜國同來訪聖謨道觀爭國誓師徒融生湯武于戈日寧死  
唐虞揖讓區大義充身安是餓清魂有所未應無始終天地  
亡前後名骨雖雙此行孤

金鄉張氏園亭

亭館連城敵謝家四時園色鬪明霞窓迎西渭封侯竹地接  
東陵隱士瓜樂意相關禽對話生香不斷對交花縱遊會約  
無留事醉待參橫月落斜

題慈德寺願堂為長老宗顯作 鄒道卿

龍隱巖前忽轉頭備然瓶錫此淹留十方方法界元無限一片  
心田自有秋草木曲躬歸白足江山依位拱青眸我來不問  
西來意獨喜茶香嘖滿甌

寄李朝請 范堯夫



仕逾三黜信多難名節長憂不自完幸賴聖明寬罪戾敢辭  
閑僻儘盤桓孟生陸旣何能願貢氏塵冠豈復彈俸入雖貧  
家世事金魚從此已補丹

和仲庶江濱避暑

古祠清燕敞虛堂喬本森々晝景長池面雨來荷助響席間  
風細篆生香烏紗歌側明簪樂翠縠翻舞袖揚牽俗自嗟  
行役去阻陪千騎醉瑤觴

送司馬伯康君實歸夏縣

金昆玉季老相親孝弟傳家四海聞白首還鄉疑廣受清朝  
得志異機雲填篋迭奏聲相應鴻雁連飛翼不分一夜西風  
響黃葉蕭騷助我嘆離群

紅梅

毛澤民

何處曾臨阿母池渾將絳雪點寒枝東墻羞頰逢誰笑南國  
酡顏強自持幾過風霜仍好色半呼桃李聽群兒青春獨養  
和羹味不為黃蜂飽蜜脾

對雪

玉京咫尺不應疑龍鳳交橫舞屢傲素色可能粧粉似真香  
直到齒牙知珠襖先曉月未落瑤草自春天亦私千里一裘  
誰有樣鄒卽吹律為薰芝

寄杭州孫資政

唐子方

何人富貴不圖安大抵為臣節欲完手執樞機謀國易心存  
忠義入時難臨風不覺龍媒老衝斗誰知劔氣寒天子聖神  
思舊德肯教旌馭文盤桓

六月歸途

徐致中



星明殘點數峰晴夜靜微聞水有聲六月行人須早起一天  
涼露濕衣輕宦情每向途中薄詩句多於馬上成故里諸公  
應念我稻花香裡計歸程

上元

蔡君謨

高列千峰寶炬森端門方喜翠華臨宸遊不為三元夜樂事  
還同萬衆心天上清光留此夕人間和氣閣春陰要知盡慶  
華封祝四十餘年喜愛深

喜永叔安道仲儀除諫官

御筆新除三諫官喧騰朝野競相歡當年流落丹心在自古  
忠良得路難必有謀謨裨帝右更須風采動朝端世間萬事  
皆塵土留取功名久遠看

乞巧

李先之

香筵拂綺羅為傳神女渡天河休嫌天上佳期少已恨  
人間巧態多辭古自應工嫵媚芳心誰更苦鑄磨獨收至拙  
為吾事笑指雙針一縷過

中秋月

皓魄當空曉鏡升雲閑仙籟寂無聲平分秋色一輪滿長伴  
雲衢千里明皎兔空從弦外落妖暮休向眼邊生靈槎擬約  
同攜手更待銀河到底清

上李昉相公

王正美

弱冠登龍入粉闈少年清貴古來稀袖中詔草朝天去頭上  
宮花侍宴歸卓筆玉堂寒漏迥捲簾池館水禽飛三台位近  
猶謙遜間聽秋霖憶翠微

洛陽春



帝里山河異莫裁就中春色似先來暖融殘雪當時盡花得  
東風一夜開艷日綺羅香上苑沸天簫鼓動瑤臺芳心只恐  
烟花暮閑立高樓望幾回

秦皇墓

魯交

祖龍何事苦東巡仙駕歸來塚草新項籍已飛三月火子嬰  
猶醉六宮春元來滄海殊無藥却是芒碭暗有人自古乾坤  
屬真主驪山之下好霑巾

題華下無相院西溪

張子野

積水涵虛上下清幾家門靜岸痕平浮萍破處見山影小艇  
歸時聞草聲入郭僧尋塵裡去過橋人似鑑中行已憑暫雨  
添秋色莫放脩蘆礙日生

和晚菊

王介甫

不得黃花九日吹空看野葉翠葳蕤淵明酩酊知何處子美  
蕭條向此時委翳似甘終草莽栽培空欲傍藩籬千花萬卉  
凋零盡始見閑人把一枝

遊金山

天末海門橫北固煙中沙岸似西興已無船舫猶聞笛遠有  
樓臺祗見燈山月入松金破碎江風吹水雪崩騰飄然欲作  
乘桴計一到扶乘恨未能

次韻平甫贈三靈程惟象

家山松菊半荒蕪杖策窮年信所如占見地靈非卜筮筭知  
人貴自陶漁久諳郭璞言多驗老比顏含意更踈抵欲勒成  
方士傳偕君名姓在新書

效淵明



先生歲晚事田園魯叟遺書廢討論問訊棄麻憐已長按行  
松菊喜猶存農人調笑追尋怪稚子歡呼出候門遙謝載醪  
祛惑者吾今欲辯已忘言

次韻吳仲庶省中畫壁

畫虎雖非顧虎頭還能滿壁畫滄洲九衢京洛風沙地一片  
江湖草樹秋行數魚鰕賓共樂臥看鷗鳥吏方休知君定有  
扁舟意却為丹青肯少留

狄梁公陶淵明俱為彭澤令至今有廟在焉刁景純  
作詩繼以一篇

梁公壯節就蓑魁陶令清身托酒徒或在房陵成底事年稱  
尹子亦何須江山彭澤空遺像歲月柴桑失故區末俗此風  
曾不競詩翁嘆息未應無

太湖估亭

臨臨溪上綠陰圍溪岸高低入翠微日落橋人釣立水清  
幽對鳥相依清游始覺心無累靜處誰知世有機更待夜深  
同徙倚秋風斜月釣船歸

次韻微之高齋有感

臺殿荒墟辱并堙豪華不復見臨春北山漠漠雲垂地南堞  
悠々水映人馳道蔽虧松半死射場埋沒雉多馴登高一曲  
悲亡國想遠紅梁落暗塵

金陵懷古四首

霸祖孤身取二江子孫多以百城降豪華盡出成功後逸樂  
安知與禍雙東府舊基留佛刹後庭遺唱落船櫂黍離麥秀  
後來事且費興亡共酒缸



天兵南下北橋江敵國當時指顧降山水雄豪空復在君王  
神武自難雙留運落日頻回首想像餘墟獨倚牕却憶夏陽  
終一葦漢家何事費嬰缸

地勢東回萬里江雲開天濶古來雙兵纏四海英雄得聖出  
中原次第降山水寂寥埋旺氣風煙蕭颯滿僧牕廢陵敗冢  
空冠劔誰復沾纓醜一缸

憶昨天兵下蜀江將軍談笑士爭降黃旗已盡年三百紫氣  
空收劔一雙破堞自生新草木廢宮誰識舊軒牕不須搔首  
尋遺事且倒花前白玉缸

和金陵懷古

停帆訪古事悠悠獨上江城滿目秋一鳥帶烟來別渚數帆  
和雨下歸舟蕭蕭暮吹驚紅葉慘慘寒雲壓舊樓故國淒涼

誰與問人心無復更風流

和吳御史臨淮感事

柵鎖城扉曉一開拖牙車軸轉成雷黃塵欲碍龜山出白浪  
空分汴水來澄觀有材邀味陋靈雲無力報姦回騷人此日  
追前事悲氣隨風動管灰

和微之重感南唐事

叔寶傾陳衍樊梁可嗟曾不見興亡齋祠父子終身費酣詠  
君臣舉國荒南狩皖山非故地北師淮水失名王天移四海  
歸真主誰誘昏童肯用長

謁曾魯公

翊戴三朝冕有蟬歸榮今作地行仙且開京洛蕭何第未泛  
江湖范蠡船老景已憐周呂尚慶門方似漢韋賢一鶴豈足



為公壽願賦長鯨吸百川

上元戲呈貢父

車馬紛々白晝同萬家燈火發春風別開闐闔壺天外特起  
蓬萊陸海中盡取繁華供俠少抵分牢落與衰翁不知太一  
游何處定把青藜獨照公

示長安君

少年離別意非輕老去相逢亦愴情  
草々杯盤供笑語昏々燈火話平生  
自憐湖客三年隔又作塵沙萬里行  
欲問後期何日是寄書應見鴈南征

思王逢原二首

蓬蒿今日想紛披  
冢上秋風又一吹  
妙質不為平世得  
微言獨有故人知  
廬山南墮當書案  
滄水東來入酒卮  
陳迹可憐

隨手盡欲歡無復似當時

百年物望濟時功  
前路何如向此窮  
鷹隼奮飛皇羽短  
麒麟埋沒馬群空  
郎舊業無兒付  
康子才高有婦同  
想見江南原上墓  
樹枝零落紙錢風

和蔡副樞賀平戎慶捷

城郭名王據兩陲  
軍前一日送降旗  
羗兵自此無傳箭  
漢甲如今不解纍  
幕府上功聯舊伐  
朝廷稱慶真新儀  
國家道泰西戎喙  
還見詩人詠串夷

送張仲容赴杭州孫公辟

萬屋相誇漆與丹  
笑歌長在綺紈間  
綵船春戲城邊水  
畫燭秋尋寺外山  
憶我屢隨遊客入  
上君君今趁辟書  
還遙知曼倩威行久  
赤筆應從到日閑



上元後駕至集禧觀次仲卿韻

昭陵持橐後遊人更見熙寧第四春  
寶扇初開移玉座華燈錯出映朱塵  
樓前時看新歌舞仗外還如舊徽巡  
投老逢時追往事却含愁思度天津

次韻陪駕觀燈

綉節含風下玉除宮商挾奏斐然殊  
福祥周室流為火息澤堯樽散在衢  
伏枕但能知廣樂彈毫何以報明珠  
但留中筵歸田日追詠公歡每自娛

次韻元厚之平戎獻捷

朝廷今日四夷功先以招懷後殪戎  
胡地馬牛歸隴底漢人煙火起湟中  
投戈更講諸儒藝心曹爭趨上將風  
文武佐時衛吉甫宣王征伐自膚公

葛溪驛

缺月昏々漏未央一燈明滅照秋牀  
病中最覺風霜早歸夢不知山水長  
坐感歲時歌慷慨起看天地色淒涼  
鳴蟬更亂行人耳正抱踈桐葉半黃

嚴陵祠堂

漢庭來見一羊裘默々俄歸舊釣舟  
迹似磻溪應有待世無西伯可能留  
崎嶇馮衍才終廢索寞桓譚道不謀  
勺水果非鱸鮓地放身滄海亦何求

小姑

小姑未嫁與蘭支何限流傳樂府詩  
初學水仙騎赤鯉竟尋山鬼後文狸  
續紛雲霧空崇揖綽約煙長獨注旗  
弄玉有祠終或往飛瓊無夢故難知



登大茅山頂

一峯高出衆山巔，疑隔塵沙道里千。  
俯視雲烟來不極，仰攀蘿藦去無前。  
人間已換嘉平帝，地下誰通勾曲天。  
陳迹是非今草莽，絲毫流俗尚師仙。

登中茅山

翛然杖屨出塵囂，鷄犬無聲到沆寥。  
欲見五芝莖葉老，尚攀三鶴羽翰遙。  
空溪路轉迷橫約，僊几風來得墮樵。  
興罷日斜歸亦懶，更磨香墨認前朝。

登小茅山

捫蘿路到半天窮，下視淮洲香靄中。  
物外真游來几席，人間榮額付冬通。  
白雲生處龍池杳，明月歸時鶴馭空。  
回首三君誰更似，子房家世有高風。

平山堂

城北橫岡走翠虬，一堂高視兩三州。  
淮岑日對朱欄出，江岫雲齊碧瓦浮。  
墟落耕桑公愷悌，杯觴談笑客風流。  
不知峴首登臨處，誰覩當時有此不。

和賞花釣魚

蔭幃晴雲拂曉開，傳呼仙仗九天來。  
披香殿上留朱輦，太液池邊送玉盃。  
宿禭暖含風浩蕩，戲鱗清映日徘徊。  
宸章獨與春爭麗，恩許賡歌豈易陪。

次韻道隱憶太平州宅早梅

大梁春費寶刀催，不似湖陰有早梅。  
今日盤中看剪綵，當時花下就傳盃。  
絲毫自向江城落，香雪誰隨驛使來。  
知憶舊遊還想見，西南枝上月徘徊。



次韻徐仲元詠梅

溪杏山桃欲占新，玉容放蕩不關春。深日明飛燕肌粉，含風冷太真玉骨。淒涼吹易散，冰華三疊難親。妍喜有君詩在，老我儵然敢効顰。

度塵嶺寄莘老

區區隨得換，冬春夜半懸。差托此身，豈慕三尊能許國。直緣毛義欲私親，施為已壞平生學。夢想猶歸寂寞濱，風月一歌勞者事，能明吾意可無人。

次御河寄城北會上諸友

客路花時祇攪心，行逢御水半晴陰。背城野色雲邊盡，隔屋春聲對外深。香草已堪回步履，午風聊復散衣襟。憶君載酒相追處，紅萼青附芝滿林。

登西樓

樓影侵雲百尺斜，行人數上憶天涯。情多自悔登臨數，目極因驚悵望賒。一曲平蕪連口對，半分殘日帶明霞。潘郎何用悲秋色，祇此傷春髮已華。

垂虹亭二首

坐覺塵襟一夕空，人間似得羽翰通。暮天窈窕山嶺日爽氣，鬢客御風草木韻沉高。下外星河影落有無中，飄然更待乘桴伴一到，扶桑興未窮。

宛々虹霓墮半空，銀河直與此相通。五更縹緲千山月，萬里淒涼一笛風。鷗鷺稍回青靄外，汀洲特起綠蕪中。騷人自欲留佳句，忽憶君詩思已窮。

鍾山西庵白蓮亭



山亭新破一方苔，白帝留花浩四隈。野艷輕明非傳粉，秋光深淺不憑杯。鄉窮自作幽人伴，歲晚誰為靜女媒。可笑遠公池上客，却因秋菊賦歸來。

次韻舍弟賞心亭即重二首

檻折簷傾野水傍，臺城佳氣已消亡。難披榛莽尋千古，獨倚青冥望八荒。坐覺塵沙昏遠眼，忽看風雨破驕陽。扁舟此日東南興，欲盡江流萬古長。

霜氣消磨不復存，舊朝臺殿祗空村。孤臣倚薄青天近，細雨侵凌白日昏。稍覺野雲乘晚靈，却疑山月是朝暎。此時江海無窮興，醒客忘言醉客喧。

寄題思軒

名郎此地昔徘徊，天誘良孫接邈來。萬屋尚歌餘澤在一軒，

還向舊堂開。右軍筆墨空殘照，內史文章抵廢臺。邑子從今誇勝事，豈論王謝世稱才。

華嚴院此君亭

一徑森然四座涼，殘陰餘韻興何長。人憐直節生來瘦，自許高才老更剛。曾與蒿藜同雨露，終隨松柏到冰霜。煩君借此根株在，乞與冷倫學鳳凰。

與微之同賦梅花得首字二首

結子非貪鼎鼐嘗，偶先紅杏占年芳。從教臘雪埋藏得，却怕春風漏泄香。不卸鉉華知國色，祇裁雲縷想仙裝。少陵為爾牽詩興，可是無心賦海棠。

淺之池塘短之墻，年之為爾怕流芳。向人自有無言意，傾國天教抵死香。鬢裊黃金危欲墜，蒂團紅蠟巧能粧。婢娟一種



如冰雪依倚春風笑野棠

荅王立之惠書

潘邠老

歸自江南即定居漫勞親友問何如剛腸肯為藜羹轉病骨  
聊憑竹杖扶南園上腴千畝橘東湖春水百金魚明年生計  
應堪說待倩君侏買異書

簡田升之時升之赴金陵

吳子副

建業風流端可憐石城江色曉鮮之鳥窺漢節梅花底雨濕  
拖樓春水邊霜髮讎書有東觀錦囊覓句屬南天枯腸不飽  
大官肉我種芋魁今十年

病後登快哉亭

賀方回

雨秋蟬得意鳴紅塵開馬身歸程病來把酒不知厭憂後  
後無限情鷓帶殘枝投上剝草將野色入荒城故園又負

黃花約但覺秋風髮上生

上巳晚泊龜山作

薄暮東風不滿帆邊未忍去淮南故園猶在北山北佳節  
可憐三月三蘭葉自供遊女佩芸編聊對故人談洛橋車騎  
相望客曾為吳兒幾許慙

九日登戲馬臺

當年節物此山川倦客登臨獨惘然戲馬臺荒年自久射蛇  
公去事空傳黃華半老清霜後白鳥孤飛落照前不與興亡  
城下水穩浮漁艇入淮天

送畢平仲西上

吟鞭西指鳳皇州好趁華年訪昔遊新樣春衫裁白紵舊題  
醉墨滿青樓鳴盡雨細生梅潤颺燕風高報麥秋須念江邊



飛葉女定後今日望歸舟

教子

余良弼

白髮無憑吾老矣青春不再汝知乎年將弱冠非童子學未  
成名豈丈夫幸有明窓并淨几何勞鑿壁與編蒲功成歆自  
殊頭角記取韓君訓阿符

鄉有好事者出君謨行草八分書數幅中有梅聖俞

詩一首因成拙句以識二美

杜世昌

莆田筆健與文豪尤愛南山縣詠高欲使英辭長潤石每逢  
佳句即揮毫清如韶濩諧音律逸似鸞皇振羽毛羲獻有靈  
應悵望當時不見此風騷

睢陽五老圖

五人四百有餘歲俱稱分曹與掛冠天地至仁難補報不泉

為事何妨列向畫圖看

寄手

洪光弼

太學何蕃久不歸十年甘旨誤庭闈休辭客路三千遠須信  
人生七十稀腰下雖無蘇子印篋中幸有老萊衣歸時定約  
春前後免使高堂賦式微

甘露上方

楊公濟

滄江萬景對朱欄白鳥群飛去復還雲捧樓臺出天上風飄  
鍾磬落人間銀河倒瀉分雙月錦水西來轉幾山今古冥冥  
難借問且持玉爵破愁顏

陪潤州裴如晦學士遊金山回作

試上蓬萊第幾洲長雲漠漠鳥飛愁海山亂點當軒出江水



中分遶檻流天遠樓臺橫北固夜深燈火見揚州迴船却望  
金陵月獨倚牙旗坐浪頭

喜聞中丞包公稱職有書

薛宣執法動朝廷丙魏如今亦有聲公道未亡猶可立世人  
不慣却須驚幅員潤澤嘉謀進臺閣風流故事明時論已兼  
言責重莫教天下笑虛名

詠懷

司馬君實

三十餘年西復東勞生薄宦等飛蓬所存舊業惟清白不負  
明君有朴忠早避喧煩真得策未逢危辱好收功太平觸處  
農桑滿穰取閭閻鶴髮翁

晚望

曾子固

蠻荆人事幾推移舊國興亡欲問誰鄭袖風流今已盡屈原  
詞賦世空悲深山大澤成千古暮雨朝雲又一時落日西樓  
憑檻久閑愁惟有此心知

閱武堂

五朝坏治歸皇極萬里車書共太平胡馬不窺光祿塞漢家  
常隸羽林兵柳間自詫投壺樂桑下方安佩犢行高枕四封  
無一事腐儒何幸偶專城

酬強幾聖

俯仰林泉繞舍清經年閑臥濟南城山田雨足心無事水榭  
花開眼更明新霽雲烟飛觀出晚涼歌吹畫橋橫寄聲裴令  
樽前客抵欠高談一座傾

聖壽院昌山主靜軒

一峯蕭洒背城陰碧瓦新堂地布金花落禪衣松砌冷日臨



經帙紙窓深幽棲鳥得林中樂燕坐人有世外心應似白蓮  
香火社不妨籃輿客追尋

錢塘上元夜祥符寺陪咨臣郎中文燕席

月明如晝露華濃錦帳名郎笑語同金地夜寒消美酒玉人  
春困倚東風紅雲燈火浮滄海碧水樓臺浸遠空白髮蹉跎  
歡意少強顏猶入少年叢

上元

金鞍馳騁屬兒曹夜半喧闐意氣豪明月滿街流水遠華燈  
入望衆星高風吹玉漏穿花急人倚朱欄送目勞自笑低心  
逐年少祗尋前事撫霜毛

仁者

邵堯夫

仁者難逢思有常平居切勿恃心妨爭先路徑機關惡近後  
語言滋味長爽口物多須作亦快心事過必為殃與其病後  
能求藥不若病前能自防

洛下園池

洛下園池不閉門洞天休用別尋春縱游只却輪閑客徧入  
何嘗問主人更小亭欄花自好儘荒臺榭景絕真虛心誤了  
無涯事未必虛名搃到身

觀三皇

許大乾坤自我宣乾坤之外更何言初分大道非常道總有  
先天未後天作法極微難看蹟收功最久不知年若教世上  
論勲業料得更無人在前

觀五帝

進退肯將天下讓着何言語狀雍容衣裳垂處威儀盛玉帛



脩時意思恭物々盡能循至理人々自願立殊功當時何故  
得如此只被聲明類日中

觀三王

一片中原萬里餘殆非孱德所宜居夏商正朔猶能布湯武  
干戈未便驅澤火有名方受莘水天無應不成需請觀仁義  
為心者肯作人間淺丈夫

觀五伯

刻意尊名々愈虧人々奔命不勝疲生靈劔戟林中活公道  
貨財心裡歸雖則餼羊能愛禮示何鳴鳳永來儀東周五百  
餘年內歎息惟聞一仲尼

觀七國

當其末路尚縱橫仁義之言固不聽肯謂破齊存即墨能勝  
坑趙盡長平清晨見鬼未為怪白日殺人吳足驚加以蘇張  
掉三寸扼喉其勢不俱生

觀羸秦

轟々七國正爭籌利害相磨未便休比至一雄心底定其如  
四海血橫流三千賓客方成慶百二山河又變秋謾說罷侯  
能置守趙高元不是封侯

觀兩漢

秦破山河舊戰場豈期民復見耕耒九千來里開封域四百  
餘年號帝王剥喪既而遭莽卓經營殊不念高光當時文物  
如斯盛城復何由更有隍

觀三國

桓々鼎峙震雷音絕唱高蹤沒處尋簫鼓一方情未暢弓刀



萬里力難任論兵恨石寧無意以馬黃河徒有心雖曰天時  
亦人事誰知慮外失良金

觀西晉

承平未必便無憂安若忘危非善謀題品人才憑雅誚雌黃  
時事用風流有刀難剖公問腹無木可梟元海頭禍在夕陽  
亭一句上東門嘯浪悠々

觀十六國

溥天之下號寰區大禹曾經治水餘衣到堯時多蟻虱瓜當  
爛後足虫蛆龍章本不資狂寇象魏何嘗薦亂胡尼父有言  
堪味處當時欠一管夷吾

觀南北朝

方其天下分南北聘使何嘗絕往還偏霸尚存前典憲小康  
猶帶舊腥羶洛陽雅望稱崔浩江表奇才服謝安二百四年  
能並轡謾將夷虜互為言

觀隋

始謀當日已非臧又更相承或自戕螻蟻人民貪土地泥沙  
金帛悅姬姜征遼意思縻荒服泛汴情懷厭未央三十六年  
都掃地不然天下未歸唐

觀有唐

天生神武奠中央不尔群雄未易攘貞觀若無風凜々開元  
安有氣揚々凭高始見山河壯入夏方知日月長三百年間  
能混一事雖成往道彌光

觀五代

自從唐季墜皇綱天下生靈被擾攘社稷安危懸卒伍朝廷



輕重繫藩方深冬寒木固不脫未旦小星猶有光五十二年  
更五姓始知除掃待真王

觀盛化二首

紛々五代亂離間一旦雲開復見天草木百年新雨露車書  
萬里舊山川尋常巷陌猶簪綬取次園林亦管絃人老太平  
春未老鶯花無害日高眠

吾曹養拙賴明時為幸居多寧不知天下英才中遁跡人間  
好景處開眉生來只慣見豐稔老去未嘗經亂離五事歷將  
前代舉帝堯而下固無之

自詠

老去無成齒髮衰年將七十行何為居常無病不服藥間或  
有懷猶作詩引水更憐魚並至折花仍喜蝶相隨平生積學  
無他效只得胸中恁坦夷

問調鼎

請將調鼎問于君調鼎功夫敢預聞只有鹽梅難盡善豈無  
薑桂助為辛和羹必欲頌求美衆口如何便得均慎勿輕言  
天下事伊周殊不是庸人

觀易

一物其來有一身一身還有一乾坤能知萬物備於我肯把  
三才別立根天向一中分體用人於心上起經綸天人焉有  
兩般義道不虛行只在人

中秋月

一年一度中秋夜十度中秋九度陰求滿直須當夜半要明  
仍候到天心無雲照處情非淺不睡觀時意更深徒愛古人



詩句好何堪千里共如今

林下五首

老羊軀軀索溫存安樂窩中別有春萬事去心閑偃仰四支  
由我任舒伸庭花盛處涼鋪簟簷雪飛時軟布衲誰道山翁  
拙於用也能康濟自家身

真工造化豈容私拙者為謀亦甚微安樂窩深初起後大和  
湯醲半醺時長年國裡籃舁往來熟鄉中杖策歸身似升平  
無一事數莖髮白任風吹

有物輕醇號大和半醺中最得春多靈丹換骨還如否白日  
升天似得麼儘快意時仍起舞到忘言處只謳歌賓朋莫怪  
無拘檢真樂攻心不柰何

相招相勸飲流霞鬢亂秋霜髮亂華所記莫非前甲子凡經  
多是老官家共諄今日重孫過更說當時舊事呀言語丁寧  
有情味後生無笑太周遮  
生來未始事田疇無歲無時長有秋隨分盃盤俱是樂等閑  
池館便成遊風花雪月千金子水竹雲山萬戶侯欲俟河清  
人壽幾兩眉能着幾多愁

安樂窩

安樂窩中三月期老來總會惜芳菲自知一賞有分付誰讓  
萬金無子遺美酒飲教微醉後好花看到半開時這般意思  
難名狀只恐人間都未知

生為男子偶昌辰安樂窩中富貴身大字寫詩誇壯健小盃  
飲酒惜輕醇山川澄淨初經雨草木暄妍正遇春造化功夫  
精妙處都宜分付與閑人



觀書

吁嗟四代帝王權盡入區々一舊編或讓或爭三萬里相因  
相革二千年唐虞事業誰能繼湯武功夫世莫傳時既不同  
人又異仲尼惡得不潸然

觀詩

愛君難得似當時曲盡人情莫若詩無雅豈明王教化有風  
方識國興衰知音未若吳公子潤色曾經魯仲尼三百五篇  
天下事後人誰敢更譏非

觀春秋

堂々王室寄空名天下無時不戰爭滅國伐人惟恐後尋盟  
報役未嘗寧晉齊命令炎如火文武資基冷似冰惟有感麟  
心一片萬年千載若丹青

郊行即事

程伯淳

芳原綠野恣行時春入遙山碧四圍興逐亂雲穿柳巷因臨  
流水坐苔磯莫辭盞酒十分醉只恐風花一片飛况是清明  
好天氣不妨游衍莫忘歸

偶成

閑來無事不從容睡覺東牕日已紅萬物靜觀皆自得四時  
佳興與人同道通天地有形外思入雲煙變態中富貴不淫  
貧賤樂男兒到此是豪雄

遊月陂

月陂隄上四徘徊北有中天百尺臺萬物已隨秋氣改一尊  
聊為晚涼開水心雲影閑相照林下泉聲靜自來世事無端  
何足計但逢佳日約重陪



初到黃州

蘇子瞻

自笑平生為口忙，老來事業轉荒唐。  
長江遶郭知魚美，好竹連山覺筍香。  
逐客不妨真外置，詩人例作水曹郎。  
只慚無補絲毫事，尚費官家壓酒囊。

八月七月初入贛過惶恐灘

七千里外二毛人，十八灘頭一葉身。  
山憶喜歡勞遠夢，地名惶恐泣孤臣。  
長風送客添帆腹，積雨浮舟減石鱗。  
便合與官充水手，此生何止略知津。

十月二日初到惠州

彷彿曾遊豈夢中，欣然鷄犬識新豐。  
吏民驚怪坐何事，父老相攜迎此翁。  
蘇武定知還漠北，管寧自欲老遼東。  
嶺南萬戶皆春色，會有高人客寓公。

六月二十日夜渡海

參橫斗轉欲三更，苦雨終風也解晴。  
雲散月明誰點綴，天容海色本澄清。  
空餘魯叟乘桴意，粗識軒轅奏樂聲。  
九死南荒吾不恨，茲遊竒絕冠平生。

過嶺二首

暫着南冠不到頭，却隨北鴈與歸休。  
平生不作兔三窟，今古何殊貉一丘。  
當日無人送臨賀，至今有廟祀潮州。  
劍關西望七千里，乘興真為玉局遊。

七年來往我何堪，又試曹谿一勺甘。  
夢裡似曾遷海外，醉中不覺到江南。  
波生濯足鳴空澗，霧繞征衣滴翠嵐。  
誰遣山雞忽飛起，半巖花雨落毵毵。

岐亭道上見梅花，戲贈李常



蕙死蘭枯菊亦摧  
返魂香入隴頭梅  
數枝殘綠風吹盡  
一點芳心雀啅開  
野店初嘗竹葉酒  
江雲欲落豆稽灰  
行當更向釵頭見  
病起烏雲正作堆

紅梅

怕愁貪睡獨開遲  
自恐冰容不入時  
故作小紅桃杏色  
尚餘孤瘦雪霜姿  
寒心未肯隨春態  
酒暈無端上玉肌  
詩老不知梅格在  
更看綠葉與青枝

贈善相程傑

心傳異學不謀身  
自要清時閱縉紳  
火色上騰雖有數  
急流勇退豈無人  
書中苦覓元非訣  
醉裡微言却近真  
我似樂天君記取  
華顛賞徧洛陽春

海南人不作寒食  
而以上巳上冢余携一瓢酒尋諸

生皆出矣獨老符秀才在因與飲至醉符蓋儋人之安貧守靜者也

老鷗銜肉紙飛灰  
萬里家山安在哉  
蒼耳林中太白過  
鹿門山下德公回  
管寧投老終歸去  
王式當年本不來  
記取南城上巳日  
木綿花落刺桐開

有美堂暴雨

遊人脚底一聲雷  
滿坐頑雲撥不開  
天外黑風吹海立  
浙東飛雨過江來  
十分潑灑金尊凸  
千丈敲鏗羯鼓催  
喚起謫仙泉灑面  
倒傾鮫室瀉瓊瑰

元日過丹陽明日立春寄曾元翰

堆盤紅縷細茵陳  
巧與椒花兩鬪新  
竹馬異時寧信老  
土牛明日莫辭春  
西湖弄水猶應早  
北寺觀燈欲及辰  
白髮蒼顏



誰肯記曉來頻嘆為何人

庚辰歲人日作二首

老去仍栖隔海村  
夢中時見作詩孫  
天涯已慣經人日  
歸路猶欣過鬼門  
三策已應思賈誼  
孤忠猶未赦虞翻  
典衣剩買河源米  
屈指新筍作上元

不用長愁掛月村  
攢柳生子竹生孫  
新巢語燕還窺硯  
舊雨來人不到門  
春水蘆根看鶴立  
夕陽楓葉見鴉翻  
此生念念隨泡影  
莫認家山作本元

上元夜過赴僖守召獨坐有感

使君置酒莫相違  
守舍何妨獨掩扉  
靜看月牕盤蜥蜴  
卧聞風幔落伊威  
燈花結盡吾猶夢  
香篆消時汝欲歸  
搔首凌涼

戲徐君猷孟亨之不飲

孟嘉嗜酒桓温笑  
徐邈狂言孟德疑  
公獨未知其趣耳  
時復一中之風流  
自有高人識通介  
寧隨薄俗移二子  
有靈應撫掌  
吾孫還有獨醒時

新晴道中

東風知我欲山行  
吹斷簷間積雨聲  
嶺上晴雲披絮帽  
樹頭初日掛銅鉦  
野桃含笑竹籬短  
溪柳自搖沙水清  
西崦人家應最樂  
煮芹燒笋餉春耕

和王旂

異時長恹謫仙人  
古有風雷筆有神  
聞道騎鯨遊汗漫  
憶嘗捫虱話悲辛  
氣吞餘子無全目  
詩到諸郎尚絕倫  
白髮故交空掩卷  
淚河東注問蒼旻



天竺寺

香山居士留遺跡天竺禪師有故家空詠連珠吟壘壁已亡  
飛鳥失驚蛇林深野桂寒無子兩滬山薑病有花四十七年  
真一夢天涯流落淚橫斜

贈子真秀才

萬里雲山一破裘杖端閑挂百錢遊五車書已留兒讀二頃  
田應為鶴謀水底笙歌蛙兩部山中奴隸橘千頭幅中我欲  
相隨去海上何人識故侯

送李清臣

珥筆西歸近紫宸太平典冊不緣麟付君此事寧論晉載我  
當時舊過秦門外想無千斛米墓中知有百年人看君兩眼  
明如鏡休把春秋坐素臣

和李清臣韻

五斗塵勞尚足留閉門聊欲治幽憂羞為毛遂囊中穎未許  
朱雲地下遊無事會須成好飲思歸時亦賦登樓羨君幕府  
如僧舍日向城西看浴鷗

戲問章質夫

白衣送酒舞淵明急掃風軒洗破觥豈意青州六從事化為  
鳥有一先生空煩左手持新蟹謾遶東籬嗅落英南海使君  
今北海定分百榼餉春耕

次韻李脩孺留別

十年流落敢言歸魚鳥江湖只自知豈意青天掃雲霧盡呼  
黃髮寄安危風流吾子真前輩人物他年記一時我欲折繻  
留此老緇衣誰作好賢詩



挽王文玉

才名誰似廣文寒，月斧雲斤琢肺肝。玄晏一生都臥病，子雲三世不遷官。幽蘭空覺香風在，宿草何曾淚葉乾。猶喜諸郎有曹志，文章還復富波瀾。

張子野年八十五尚聞買妾述古今作詩

錦里先生自笑狂，莫欺九尺鬢眉蒼。詩人老去鶯在公子歸來燕，忙柱下相君猶有齒。江南刺史已無腸，平生謔作安昌客，略遣彭宣到後堂。

臥病逾月請郡不許復直玉堂十一月一日鎖院是

日苦寒詔賜官燭法酒書呈同院

微霞踈々點玉堂，詞頭夜下攬衣忙。分光御燭星辰爛，拜賜宮壺雨露香。醉眼有花書字大，老人無睡漏聲長。何時却逐

桑榆暖社酒，寒燈樂未央。

贈惠山僧惠表

行遍天涯意未闌，將心到處遣人安。山中老宿依然在，案上楞嚴已不看。欹枕落花餘幾片，閉門新竹自千竿。客來茶罷空無有，盧橘楊梅尚帶酸。

次趙伯成韻

綉簾朱戶未曾開，誰見梅花落鏡臺。試問高吟三十韻，何如低唱兩三杯。莫嫌衰髮聊相映，須得纖腰與共回。知道文君隔青鎖，梁園賦客肯言才。

和李常韻

何人勸我此間來，絃管生衣既有埃。綠蟻濡唇無百斛，蝗虫撲面已三回。磨刀入谷追窮寇，洒涕循城拾弃孩。為郡鮮歡



君莫歎猶勝塵土走章臺

題風水洞

山前乳水隔塵凡山上仙風舞檜杉細細龍鱗生亂石團團  
羊角轉空岳馮夷窟宅非梁棟禦寇車輿謝轡銜世事漸艱  
吾欲去來隨二子脫譏諛

和劉道原

敢向清時怨不容直嗟吾道與君東坐談足使淮南懼歸去  
方知異北空獨鶴不須驚夜旦群鳥未可辨雌雄廬山自古  
不到處得與幽人子細窮

習射放鷹

青蓋前頭點皂旗黃茅岡下出長圍弄風驕馬跑空立趁兔  
蒼鷹掠地飛回望白雲生翠巘歸來紅葉滿征衣聖朝若用

西涼簿白羽猶能効一揮

和劉攽韻二首

白髮相望兩故人眼看時事幾番新曲無和者應思郢論少  
卑之且借秦歲惡詩人無好語夜長鯨守向誰親少思多睡  
無如我鼻息如雷撼四鄰

十載漂然不可期那堪重你看花詩門前惡語誰傳出醉後  
狂歌自不知刺舌君今猶未戒多眉我亦更何詞相從痛飲  
無餘事正是春容最好時

寄藏春塢

白首歸來種萬松待看千尺舞霜風年拋造物甕陶外春在  
先生杖履中楊柳長齊低戶綠櫻桃爛熟滴堦紅何時却與  
徐元直共訪襄陽龐德公



次韻穆父尚書侍祠郊丘瞻望天光退而相慶引滿  
醉吟

千章祀梓蔭雲天  
樗散誰收老鄭虔  
喜氣到君浮白裏  
豐年及我挂冠前  
令嚴鍾鼓三更月  
野宿貔貅萬竈烟  
太息何人知帝力  
歸來金帛看顏肩

汲水煎茶

活水仍須活  
火烹自臨  
釣石取深清  
大瓢貯月歸  
春甕小杓分  
江入夜瓶  
雪乳已翻煎  
處脚松風仍作瀉  
時聲枯腸未易禁  
三椀坐數山城長短更

賀陳述古弟章生子

鬱葱佳氣夜充閭  
始見徐卿第二雛  
刺欲去為湯餅客  
惟愁對寫弄璋書  
參軍新婦賢相敵  
阿大中郎喜有餘  
我亦從來

識英物試教啼看少何如

記林氏媼

縹緗細枝出絳房  
綠陰青子送春忙  
消消泣露紫含英  
熠熠燒空紅佛桑  
落日孤煙知客恨  
短籬破屋為誰香  
主人白髮青裙袂  
子美詩中黃四娘

復出東門

亂山環合水侵門  
身在淮南盡處村  
五畝漸成終老計  
九重新掃舊巢痕  
豈惟見慣沙鷗熟  
已覺來多釣石溫  
長與東風約今日  
暗香先返玉梅魂

雪後書北臺壁二首

城頭初日始翻鴉  
陌上晴泥已沒車  
凍合玉樓寒起粟  
光搖銀海眩生花  
遺蝗入地應千里  
宿麥連雲有幾家  
老病自嗟



詩力退空吟冰柱擬劉义

黃昏猶作雨纖之夜靜無風勢轉嚴但覺衾裯如潑水不知  
庭院已堆盈五更曉色來書幌半月寒光落畫簷試掃此臺  
看馬耳未隨埋沒有雙尖

次韻歐陽少師會老堂

一時冠蓋盡嚴終舊德年來豈易逢聞道堂中延蓋叟之應  
床下拜梁松蠹魚自曬開箱篋科斗長收古鼎鍾我欲弃官  
重問道寸筵何以得春容

張先生

熟視空堂竟不言故應知我未天全肯來傳舍人皆說能致  
先生子亦賢脫疑不妨眠糞屋流澌爭看浴冰川士庶豈識  
挑推妙妄意稱量未必然

三朵花

學道無成髮已華不勞千劫漫蒸砂歸來且看一宿覺未暇  
遠尋三朵花兩手欲遮瓶裏雀四條深怕井中蛇畫圖要識  
先生面試問房陵好事家

正月二十日往岐亭郡人潘古鄆三人送余於女王

戒東禪院

十日春寒不出門不知江柳已搖村梢聞決之流水谷盡放  
青之沒燒痕數畝荒園留我住半瓶濁酒待君溫去年今日  
關山路細雨梅花正斷魂

送春

夢裡青春可得追欲將詩句絆餘暉酒闌病客惟思睡蜜熟  
黃蜂亦嬾飛芍藥櫻桃俱掃地長絲禪榻兩忘機憑君借取



法界觀一洗人間萬是非

首夏官舍即事

安石榴花開最遲絳裙深樹出幽菲吾心想見無限好容子  
倦遊胡不歸座上一尊雖得滿古來四事巧相違令人却憶  
湖邊寺垂柳陰之晝掩扉

次韻劉燾撫勾蜜漬荔枝

時新滿坐聞名字別久何人記色香葉似楊梅蒸霧雨宛如  
盧橘傲風霜每憐尊菜下鹽豉肯與蒲萄壓酒漿回首驚空  
卷飛雪詩情真合與君嘗

開元寺山茶

長明燈下石闌干長共杉松闔歲寒葉厚有稜犀甲綻花深  
少態鶴頭丹久陪方丈曼陀雨蓋對先生首肯  
知有意明年掃後更誰看

食柑

一雙羅帕未分玳林下先嘗愧臣露葉霜枝剪寒碧金縷  
玉指破芳辛清泉漱之先流齒香霧霏之欲喫人坐客慙慙  
為收子千奴一掬為吾貧

樂全先生生日以鐵拄杖為壽

二年相伴影隨身踏遍江湖草木春攜石舊痕猶作眼閉門  
高節欲生鱗畏途自衛真無敵捷徑爭先却累人遠寄知公  
不嫌重筆端猶自斡千鈞

正月二十日與潘郭二生出郊尋春忽記去年是日

同到女王城作詩乃和前韻

東風未肯入東門走馬還尋舊歲村人似秋鴻來有信事如



春夢了無痕江城白酒三盃穢野老紅顏一笑溫已約年年  
為此會故人不用賦招魂

次韻劉景文見寄

淮上東來雙鯉魚巧將詩信渡江湖細看落墨皆松瘦想見  
掀髯正鶴孤烈士家風安用此書生習氣未能無莫因老驥  
思千里醉後哀歌缺唾壺

次韻蔣穎叔錢穆父後駕景靈宮

歸來病鶴託城闌舊踏松枝雨露新半白不差垂領髮軟紅  
猶戀屬車塵雨收九陌豐登後日麗三元下降辰粗識君王  
為民意不才何以助精神

送子由使契丹

天驕識鳳麟沙漠回看清禁月湖山應夢武陵春單于若問  
君家世莫道中朝第一人

次韻子由五月一日同轉對

跪奏新書笏在腰談王正欲伴耕樵晉陽豈為一門事宣政  
聊同五月朝憂患半生聯出處歸休上策早招要後生可畏  
吾衰矣刀筆後來錯料堯

次韻孔常父送張天覺河東提刑

送君應典鷓鴣裘憑仗千鐘洗別愁脫帽風流餘長史埋輪  
家世本留侯子河駿馬方爭出昭義疲兵亦少休定向秋山  
得佳句故關黃葉滿行舟

遊雲際山

陳師道名洙建陽人

清曉捫蘿踏嶺雲寒風飛溜濕衣巾上攀霄漢無多地直視



城闈幾點塵古木半陰蔽宿霧山禽相語厭遊人明年更補  
閩中吏來看桃花爛熳春

望舊廬有感

葉濤

重來舊屋誰為主江令蕭條歎獨存已愧問人終識路更悲  
無柳可知門舟車到處成家宅歲月惟鶻長子孫孤客滯巾  
非得已故家零落與誰論

送淳用長老歸印州

楊元素

曾中禪扉喜接陪師將境物諭輪迴燈籠不滅心中火香印  
空殘死後灰綿邑難留真錫駐臨印還慶法堂開臨印綿邑  
何分別無去無來無去來

登快閣

黃魯直

癡兒了却公家事快閣東西倚晚晴落木千山天遠大澄江

一道月分明朱絃已為佳人絕青眼聊因美酒橫萬里歸船  
弄長笛此心吾與白鷗盟

次韻賞梅

要知朱玉在鄰墻笑立春晴照粉光淡薄自能知我意幽閒  
元不為人芳微風拂掠生春思小雨廉纖洗暗粧只恐濃葩  
委泥土誰令解合返魂香

送顧子敦赴河東三首

頭白書林二十年印章今領晉山川紫參可搯宜包貢青鐵  
無多莫鑄錢勸課農桑誠有道折衝樽俎不臨邊要知使者  
功多少看取春郊處之田

家在江南不繫懷愛民憂國有後來月斜汾沁催驛馬雪暗  
岢嵐傳酒盃塞上金湯淮粟粒胸中水鏡是人才遙知更解



青牛句一寸功名心已灰  
攬轡都城風露秋行臺無妾護衣篝虎頭墨妙能頻寄馬乳  
蒲萄不待求上黨地寒應強飲西河民病要分憂猶聞昔在  
軍興日一馬人間費十牛

奕棋呈任公漸

偶無公事客休時席上談兵角兩棋心似蛛絲遊碧落身如  
蜩甲化枯枝湘東一目誠堪死天下中分尚可持誰為吾徒  
猶愛日參橫月落不曾知

戲詠江南風土

十月江南未得霜高林殘水下寒塘飯香獵戶分熊白酒熟  
漁家擘蟹黃橘摘金包隨驛使米舂玉粒送官倉踏歌夜結  
田神社遊女多隨陌上郎

次韻張昌言給事喜雨

三雨全清六合塵詩翁喜雨句凌雲徑漂戰蟻餘道北社  
龍有裂文城去鮮肥憂主食徧宗河嶽起爐熏聖功惠我  
豐年食未有消埃可報君

自巴陵略平江臨湘入通城無日不雨至黃龍謁清  
禪師繼而晚晴

山行十日雨霑衣幕阜峰前對落暉野水自添田水滿晴鳩  
更喚兩鳩歸靈源大士人天眼雙塔老師諸佛機白髮蒼頭  
重到此問君還是昔人非

寄黃幾復

寄君北海君南海寄鴈傳書謝不能乘李春風一盃酒江湖  
看轉十年燈持家但有四立壁治病不斬三折肱想得讀書



青生白隔溪猿哭瘴烟藤

攬詠雪

才寒晴碧來飛雪忽憶江清水見沙夜聽鐘、還密、曉看  
整之復斜之風回共作婆娑舞天巧能開頃刻花正使盡情  
寒至骨不妨桃李用年華

春雪呈張仲謀

暮雪霏之若撒鹽須知千隴麥纖之夢間半枕聽飄瓦曉起  
高堂看入簾刺與月明分夜砌即成春漏滴晴筵萬金一醉  
張公子莫道街頭酒價添

次韻雨絲雲鶴二首

煙雲香靄合中稀霧雨空濛密更微園客蠶絲抽萬緒蛛蝥  
網面單群飛風光錯綜天經緯草木文章帝杼機頭添朝霞

成五色為君王補坐朝衣

幾片雲如薛公鶴精神態度不曾齊安知隴鳥樊籠客便覺  
南鵬羽翼似風散又成千里去夜寒應上九天棲坐來改  
如蒼狗試欲作青意似迷

次韻蓋郎中率郭郎中休官

世態已更千變盡心源不受一塵侵青春白日無公事紫燕  
黃鸝俱好音存與兒孫知伏臘聽教魚鳥遂飛沉黃公壚下  
曾知未定是逃禪入少林

次韻郭右曹

閻世行將老斷輪那能不朽見雲仍歲中日月又除盡聖處  
一夫無半分秋水寒沙魚得計南山濃霧豹成文古心自有  
着鞭地天壁分陰未當勤



新喻道中寄元明用觴字韻

中年畏病不舉酒孤負東來數百觴  
喚客煎茶山店遠看人  
獲稻午風涼但知家裡俱無恙  
不用書來細作行一百八盤  
携手上至今猶夢繞羊腸

清明

佳節清明桃李笑野田荒塚只生愁  
雷驚天地龍蛇蟄雨足  
郊原草木柔人乞祭餘驕妾婦士甘焚死  
不公侯賢愚千載  
知誰是滿眼蓬蒿共一丘

新竹

挿棘編籬謹護持養成寒碧映漣漪  
清風掠地秋先到赤日  
行天午不知解籜時聞聲歛歛  
放梢初見影離離歸閑我欲  
頻來此枕草仍教到處隨

和師厚郊居示里中諸君

籬邊黃菊關心事牕外青山不世情  
江村千頭供歲計秋蛙  
一部洗朝醒歸鴻往燕競時節宿草新墳多友生  
身後功名  
空自重眼前樽酒未宜輕

食瓜有感

暑軒無物洗煩蒸百菓几材得我憎  
鮮芹筠籠浸蒼玉金盤  
碧筋薦寒冰田中誰問不納履  
坐上適來何處蠅此理一盃  
分付與我思明哲在東陵

觀王主簿除驪

肌膚冰雪薰流水百草千花莫比方  
露濕何郎試湯餅日烘  
荀令炷爐香風流徹骨成春酒  
憂寐宜人入枕囊輸與能詩  
王主簿瑤臺影裡據胡床



杭州喜江南梅度支至二詩

陳希元

淡薄交情老更濃為君彈瑟送金鍾  
芝羅香徑無時到姑射  
仙姿在處逢  
鷓鴣品流慙晚達  
煙霞門戶憶先容  
公餘莫放  
西湖景步之蒼苔翠之松

公望當年最得君  
畫圖城郭喜同群  
門前碧浪家之海樓上  
青山寺之雲松下  
玉琴邀鶴聽溪邊  
臺石共僧分  
情多景好  
知難盡且倒金樽任半醺

和開祖丹陽別子瞻後寄

陳令舉

仙舟繫柳野橋東  
會合情多勞謫翁  
相對一樽浮蟻酒  
輕寒二月小  
桃風羈懷散  
誕謳歌裏  
世事縱橫醉笑中  
莫恨明朝  
又離索  
人生何處不匆匆

谷內翰學士

舒雅

清貴無過近侍臣  
多情猶隱舊交親  
金蓮燭下裁詩句  
峰前寄隱淪  
和氣忽飄燕谷暖  
好風隨起謝庭春  
緘截便是  
山家寶  
留與兒孫世不貧

月

周開祖

落照西山夜色浮  
鸞之寒月掛雲頭  
寶奩新樣橫眉黛  
珠箔斜懸半額鈎  
丹桂一枝初淺露  
金波千里未圓流  
蟬娟三日  
纔成魄  
散滿清光四百州

感秋扇

蘇子由

團扇經秋似敗荷  
丹青彷彿舊松蘿  
一時用捨非吾事  
舉世炎涼奈尔何  
漢代誰令收汲黯  
趙人猶復用廉頗  
心知懷袖  
非安慶  
重見秋風愧恨多

次韻張恕春暮



抵言城市無佳處亦有江湖幾度遊好雨晴時三月暮啼鶯  
到後百花休老猿好飲常聯臂野馬依人自絡頭不肯低回  
池上醉試看生滅水中漚

春日耕者

陽氣先從土脉知老農夜起餽牛飢雨深一尺春耕利日出  
三竿曉餉遲婦子同來相無媚鳥鳶飛下巧追隨紛紛政令  
曾何補要取中年風雨時

送龔鼎臣諫議移守青州二首

稷下諸公今幾人三為諫議髮如銀梁王宮殿歸留鑰尚父  
山河屬老臣沂水絃歌重曾點菑川故舊識平津過家定有  
金錢費千里爭看衣錦身

西山負海古諸侯信美東南第一州勝槩未容秦地險奇范

此惟城復新絲出火  
夏裘易貢棗登場歲事休鈴閣虛閑  
醞熟應容將佐得遊

送青州簽判  
則退翁致仕還湖州

不作清時言事官海  
加那復久盤桓早依連社塵緣少新就  
草堂歸計安富貴暫  
時朝露過江山故國水精寒宦遊從此  
知多事收取楞伽靜  
處看

足東坡贈  
唐佐

生長茅間有異芳  
流謾下古諸姜適從瓊館魚龍窟秀出  
羊城翰墨場滄海何  
曾斷地脉白袍端合破天荒錦衣不日  
千人看始信東坡眼  
力長

柳絮

石敏若

苦無筋骨太輕柔何物如君得自由帶雨飄來成墜雪捲春



歸去作飛毬向人有意長如舞到處為家不辭愁一陣東風  
邀勅住倒吹還補背向梢頭

紙鷓

王逢原

誰作輕鷓壯遠觀以嫌飛鳥未多端終乘一線憑風去便有  
愚人仰面看未必主日宵因可到偶能終日遂為安扶搖不起  
滄溟遠笑殺鵬搏以爾難

雪後

陳無已

送往開新雪又晴以留臘白待春青稍回杉色伸梅怨併得  
朝看與夜聽已覺凝泥生鳥迹遽修田事帶朝星莫年功利  
歸持律不是騷人故獨醒

連日大雪以疾作不出聞蘇公與德麟同登文即臺  
掠地衝風敵萬人泣天密雪飛城塵漫山寨壑疑無地按階

穿惟巧致身晚藉讀書今已老閉門高臥不緣貧適知更  
湖邊寺一笑潛回萬室春

送王元均

貶衡州兼寄元龍二首

先生英氣蓋區中命與仇謀得老窮又見長身有家法可辭  
短簿怒吾公石函路滑行能速宣室歸來語未終宛洛風塵  
莫回顧直須留眼送歸鴻

先生秀句滿江東二子緣渠得再窮詩禮向來堪發冢孫劉  
能使不為公炎方瘴癘避軒豁故國山河開始終傳語元龍  
要相識江湖春動有來鴻

和黃預病

起

似聞藥病已投機牛關蛇妖頓覺非李賀固知當得疾沈侯  
可更不勝衣旖逢白壁山千仞會見黃金帶十圍只信詩書



端作崇孰知糠粃一能肥

寄文潛無外少游三學士

北來消息不真傳  
去而度相忘更記年  
湖海一舟須此老  
蓬瀛方丈自非仙  
數臨苦卷聊遮眼  
穩上青雲小着鞭  
李杜齊名吾豈敢  
晚風無對不鳴蟬

寄侍讀蘇尚書

六月西湖早得秋  
二年歸思與遲留  
一時賓客餘枚叟  
在處兒童說細侯  
經國向來須老手  
有懷何必到壺頭  
遙知丹地黃卷解  
記清波沒日鷗

贈田從先

衣冠曾國動成群  
憂心相後只有君  
落筆如流寧踴躍  
行前慙敵却紛紜  
愧非伏老成  
和伯喜有侯芭守  
子雲意氣有餘

工用少相忘千里定能勤

贈王季脩商子常

欲作新詩挑兩公  
含毫不下思無窮  
貪逢大敵能無懼  
強畫脩眉每未工  
長病忍狂妨痛飲  
晚雲朝雨滯晴空  
正須好句留春住  
可使風飄萬點紅

寄秦州曾侍郎子開

八年門第故違離  
千里河山費夢思  
淮海風濤真有道  
麒麟圖畫豈無時  
今朝有客傳何尹  
是處逢人說項斯  
三徑未成心已具  
世間惟有白鷗知

送蘇迨

胷中歷歷着千年  
筆下源源赴百川  
真字飄揚今有種  
清談絕倒古無傳  
出塵悟解多為路  
隨世功名小着鞭  
白首相逢



恐無日幾時筆札到林泉

寄送定州蘇尚書

初聞簡策侍前旒又見衣冠送作州北府時清惟可飲西山  
氣爽更宜秋功名不朽聊通袖海道無違具一舟枉讀平生  
三萬卷貂蟬當復出兜鍪

次韻春懷

老形已具臂膝痛春事無多櫻筍來敗絮不溫生蟣蝨大盃  
覆酒着塵埃衰年此日仍為客舊國當時只廢臺河嶺尚堪  
供極目少年為句未須衰

早起

鄰鷄接響作三鳴殘點連聲殺五更寒氣挾霜侵敗絮賓鴻  
將子度微明有家無食惟高枕百巧千窮只短檠翰墨日踈

身日遠世間安得尚虛名

東山謁外太公墓

土山宛轉屈蒼龍下有槃之蓋世翁萬木刺天元自直叢篁  
侵道更須東百年富貴今誰見一代功名託至公少日拊頭  
期類我暮年垂淚洒西風

和黃預七夕

盈之—水不斯須經歲相過自作踈坐待翔禽報佳會徑須  
飛雨洗香車超騰水部陳篇上收拾愚溪作賦餘信有神仙  
足官府我寧辛苦守殘書

次韻李節推九日登山

平林廣野騎臺荒山寺鳴鐘報夕陽人事自生今日意寒花  
只作去年香巾欲更覺霜侵鬢語妙何妨石作腸落木無邊



江不盡此身此日更須忙

登彭祖樓

城上危樓江上城風流千載擅佳名水兼汴泗浮天闊山入青齊煥眼明喬木下泉餘故國黃鸝白鳥解人情須知壯士多秋思不露文章世已驚

送澤之過維揚

夢裡揚州十載前青樓陳迹故依然袍爭爛錦催詩筆兩灘明珠落酒船願我老無騎鶴興羨君行及看花天囊中綉句歸應滿不負韋郎五色牋

立春

馬蹄殘雪未成塵梅子梢頭已着春巧勝向人真奈老衰容從俗不宜新高門肯送青絲菜下里誰思白髮人共學少年

天下士獨能濡濕轍中鱗

春懷示鄰曲

斷牆着雨蝸成字老屋無僧燕作家剝欲出門追語笑却嫌歸髮着塵沙風翻蛛網開三面雷動蜂窠趁兩衙屢失南鄰春事約只今容有未開花

和寇十一晚登白門

重門傑觀屹相望表裏山河自一方小市張燈歸意動輕衫當戶晚風長孤臣白首逢新政遊子青春見故鄉富貴本非吾輩事江湖安得便相忘

九日寄秦觀

疾風迴雨水明霞沙步叢祠欲暮鴉九日清樽欺白髮十年為客負黃花登高懷遠心如在向老逢辰意有加淮海少年



天下士獨能無地落烏紗

次韻何子溫祈晴

九虎當關信不傳  
燒香纔上已回天  
驅除霧雨還朝日  
畜縮波濤復二川  
奪日光華開秀句  
堆場藁秸驗豐年  
從今更上中和頌  
少費將軍九萬錢

和和叟梅花

百卉前頭第一芳  
低臨林水浸寒光  
卷簾初認雲猶凍  
逆鼻渾疑雪亦香  
鼎寶首期終有待  
天真不假更勻粧  
江南望斷無來使  
且伴詩翁入醉鄉

送兄子孝忠落解南歸

妙年失手未須恨  
白壁深藏可自妍  
短髮我今能種之  
曉粧他日看娟之  
千金市帚能論價  
萬戶封侯信有年  
清白傳家有如此  
歸塗囊裏不留錢

野泊對月有感

周尹潛

可憐江月亂中明  
應識逋逃病客情  
斗柄闌干洞庭野  
角聲淒斷岳陽城  
酒添客淚愁仍濺  
浪卷歸心暗自驚  
欲問行朝近消息  
眼中群盜尚縱橫

元日

任德翁

憶昔東班賀紫宸  
和風佳氣淨無塵  
龍墀初下觚稜日  
雉扇齊開玉座春  
接武九霄曾近侍  
投荒三載作流人  
窮通忤合雖天理  
俯仰尋思不為身

寄蘇內翰

劉景文

倦壓鰲頭請左符  
笑尋頰尾為西湖  
二三賢守去非遠  
六一清風今不孤  
四海共知霜髮滿  
重陽曾挿菊花無  
聚星堂上



誰先到欲傍金尊倒玉壺

官下

宋子京

東泊驂驪一駐車  
魏雲若木澹扶疎  
風經禦寇仙遊外  
野識裨謀草創餘  
穎谷寒煙仍并邑  
時門殘日但丘墟  
兩都大道過花盛  
不稱支離佩左魚

兄長苔公赴鎮道出西苑作詩有長楊獵近寒熊乳  
太液歌餘瑞鵠飛語蘄邁予輒擬作一篇

寶樓斜倚闕西天  
北轉樓陰壓素漣  
白雪久殘梁複道  
黃頭問守漢樓船  
塵輕未損朝來霧  
樹暖才容臘外煙  
弭節不妨饒帳戀  
待歌魚藻記他年

寄題相臺太尉韓公畫錦堂

瑞節前驅畫錦身  
堂成署榜示州民  
遷鶯賀燕翩翩集  
嘉樹

甘棠次第春漳岸  
夕波通沼溜魏臺  
曠日美梁塵君看千古  
青編上得意如公有幾人

寒食假中作

九門煙樹蔽春廬  
小雨初晴撥火前  
草色引開盤馬地  
簫聲催暖賣鷓天  
縈絲早絮輕無着  
弄袖和風細可憐  
鼇署侍臣貪出沐  
珉糜珠餉愧頒宣

把酒

歌管嘈之月露前  
且將身世付酖然  
謾誇鼯鼠機頭箭  
不識醢鷄甕外天  
青史有人譏巧宦  
黃金無術治流年  
君看醉趣兼醒趣  
始覺靈均更可憐

予既到郡有詔仍備唐書寄局中諸僚

一章通奏頌州麾  
詔許殘書得自隨  
吾黨成章真小子  
官中



了事是癡兒昏眸視父花爭亂倦首搔餘雪半垂所願盡矣  
皆傑筆劉生當見汗青期

真定述事

莫嫌屯壘是邊州試聽山河說上游帳下文書三幕府馬前  
鞞韎五諸侯王藩故社經涂國快窟餘風解報仇四十年來  
民緩帶使君何事不輕裘

擬杜子美峽中意

天入虛樓倚百層四方遙謝此登臨驚風借壑為寒籟落日  
容雲作暝陰峴并北拋王粲宅楚衣南逐女嬃砧十年不識  
長安道九籥宸開紫氣深

落花

蓬萊翻紅各自傷青樓因雨忍相忘將飛更作回風舞已落

猶成半面妝滄海空歸珠迸淚章臺人去骨遺香可能無意  
傳雙蝶盡付芳心與蜜蜂

春宴行樂家園

園初乾小雨沉飲壺游屐况親携身輕早蝶千回舞枝癢  
新禽百種啼乘飲草茵侵坐軟畏風桃綬向林低陽暉自有  
留人意街照高樓未遽西

將到都先獻樞密太尉相公

再試州旗驗不才却將憔悴到中臺相車問罷同牛喘大厦  
成時與燕來今日謀猷須丙魏他年賓客但鄒枚西園聞道  
餘春在尚及花前灑盃盃

和致政燕侍郎舟中寄晏尚書

異時仙閣對三休頓首辭榮動遠流跡廣故寮供祖帳鷓鴣



盡室付歸舟側堦生玉懷歡宴燕壁圖山代遠遊新句漸高  
塵累少紫芝巖曲要相求

送越州陸學士

梅天霞破候旗乾鄉樹依然越絕間挾策當年逢掖去懷章  
此日繡衣還亭餘內史浮觴水路入仙人取箭山牛酒盛誇  
先豎宴不妨春詔得親班

移病還臺凡閱半歲乃愈始到家园視園夫治畦  
植花因成自嘆

臥治無功賜告回驟叨鳴履上中臺壺立天壤非真死蒙叟  
軒裳是儻來經灌旱蔬扶隴出失刊園蕊犯簷開此身踈拙  
真丘壑不是當年王佐才

春日郊外

唐子西

城中未省有春光城外榆槐已半黃山好更宜餘積雪水  
看欲到垂楊鬢邊日暖如人語草際風光作藥香疑此江頭  
有佳句為君尋取却茫茫

憫雨

老楚能令畏壘豐此身翻累越人窮至今無奈曾孫稼幾度  
虛占少女風茲事會湏星有好他時曾厭雨其濛山中賴是  
萊糧足不向諸侯託寓公

初到惠州

盧橘揚梅乃尔甜肯容遷謫到眉尖因行採藥非無得取足  
看山未害廉辨謗若為家一喙著書不直字三緘老師補處  
吾何敢政謂宗風不敢謙

收景初貶所書



信斷常懷信斷憂得書還有得書愁未應宿業都相似總為  
饒聲不肯休是說胸中卷雲夢莫將皮裡貯陽秋迺公有道  
知興廢不患無詞指播州

次景初見寄韻

此生正坐不知天豈有蒂苓解引年但覺轉喉都是諱就令  
搖尾有誰憐腰金已付兒童佩心印當還我輩傳他日乘車  
來問道葦間相顧共延緣

海陵春雨日

曾子開

公事無多使客稀兩時衙退吏人歸沉煙一炷春陰重畫角  
三聲晚照微素雉未馴漸報政海鷗相近信忘機只將宴坐  
收心念懶向人間問是非

次韻陳師道無已見寄

故人南北嘆乖離忽把清詩慰所思松茂雪霜無改色鷄鳴  
風雨不愆時著書子已通科斗竊食吾方逐鷩斯便欲去為  
林下友懶隨年少樂新知

睡足軒

秦少游

長年憂患百端慵開戶借坊頗有功德徹蔽虧僧界靜人除  
荒穢玉奩空青天併入揮毫裡白鳥時來隱几中寂是人間  
佳絕處夢殘風鐵響丁東

中秋口號

雲山蒼楠接低空公宴初開氣鬱蒸照海桂幢秋色裡激天  
鼓吹月明中香槽旋滴珠千顆歌扇驚圓玉一叢二十四橋  
人望處台星正在廣寒宮

九月八日夜大風雨寄王定國



長年身外事都捐節序驚心一慨然正吳山川秋入夢可堪  
風雨夜連天桐梢城角增凄斷燈燼飛人落小圓浦淡月清  
酒痛飲明朝試訪酒中仙

次韻馬忠玉喜王定國還濱州

淮海相逢一解顏紛之歲月夢魂間初驚鷺艇迷花去忽認  
星槎拂斗還桂嶺暮登猿嶺續槐堂春到鳥綿蠻石渠舊議  
行當復未信佳時得自閒

宋匪躬太祝先輩示及劉貢父伯仲三人同年登第

之詩因奉一篇

王平甫

六朝文物事當奇閱閱如今舉世推射策人爭看三虎薦書  
吾早識孤羅集英曉日臚傳後瓊苑春風宴喜時共羨絲綸  
歸世掌還開驂隔鳳凰池

贈三靈程道人

三靈山下新安水瀟洒人間盡不如收得市朝忙日月歸來  
田里老樵漁君能知命忘機久我愧于時觸事踈從此卜鄰  
同笑傲何須強著解嘲書

遊廬山宿棲賢寺

古屋蕭蕭臥不周樊裘起坐興綢繆千山月午乾坤盡一壑  
泉鳴風雨秋跡入塵中慚有累心期物外欲何求明朝松路  
須惆悵忍更無詩向此留

杭州呈勝之

遊觀須知此地佳紛之人物敵京華林巒膺雪千家水城郭  
春風二月花彩舫笙歌吹落日畫樓燈燭映殘霞如君援筆  
宜摹寫付與塵埃北客誇



金明池

霓旌遠拂樓船滿地春風錦綉筵三島路深浮閣苑九霞  
觴滿奏鈞天仗歸金闕浮雲外人望池臺落日邊最引平生  
江海趣波瀾一段草如煙

金山同正之吉甫會宿作寄城中二三子

寺壓蒼厓勢欲傾歡然西度為誰興雲隨草樹繁群岫江浸  
樓臺點萬燈坐久不知身寂寞夢回猶覺氣軒騰思君城郭  
塵埃滿相逐尋閑亦未能

池上春日

一池春水綠於苔水上花枝間竹開芳草得時依舊長文禽  
無事等閒來年顏近老空多感風雅含情苦不才獨有浴沂  
遺想在使人終日此徘徊

春陰

似雨非晴意思深宿醒辜率臥春陰苦憐燕子寒相並生怕  
梨花晚不禁薄之簾惟欺欲透遙之歌筵歷來沉北園南陌  
狂無數祇有芳菲會此心

西湖春日

爭得才如杜牧之試來湖上輒題詩春煙寺院敲茶鼓夕照  
樓臺卓酒旗濃吐雜芳薰巘嶠濕飛雙翠破徂漪人間幸有  
簑蕪笠且上漁舟作釣師

雨餘

雨餘宮闕映秋旻漢之搵花水上新夜有蟋蟀催節物朝無  
沆瀣助精神形如槁木聊依世名若浮煙底徇人莫笑長吟  
銷短景故園回首隔參辰



得雨

青天赤日水如湯車馬飛塵百尺長望歲人之憂旱魃舞雲  
旦人待商羊清衷愛物回天鑒膏澤乘時助歲穰自有股肱  
歌盛德芻蕘誰敢僭揄揚

黃梅花

庾嶺開時媚雪霜梁園春色占中央未容鶯過毛無類已覺  
蜂歸蠟有香弄月似浮金屑水飄風如舞麴塵場何人刺着  
栽培力太液池邊想菊裳

憶梅花

禁街人語絕喧譁庭下沉吟半柄斜萬里雲容含霰雪一陽  
泉脉動萌芽頓忘人世蓬心已任天年涼髮加早晚翩然  
青雀舫滿江春色看梅花

梅花

醉筆題詩紫界墻梅花零落撲衣裳天香又雜盃中綠春色  
還驚鬢上蒼涉世何妨為白壁流年未抵熟黃糧一吟起我  
平生志今古冥冥出處忘

郊外

野曠天寒氣象嘉浮雲濃淡日初斜澤中雨漲無鳴鶴荷下  
波翻有怒蛙簫鼓殘聲來帝闕漁樵歸徑見人家塵簪羞把  
黃花插不奈飛蓬鬢髮華

送德之提刑郎中赴廣西

天扶開寶至熙寧和氣薰蒸瘴癘傳五管閭閻如按堵六朝  
仁聖喜祥刑欲推息澤求膚使果見謀猷簡大庭嗟我白頭  
甘抱繫看君歸日上青冥



送李子儀知明州

兒童劇戲甬東天一別侵尋二十年海岸樓臺青嶂外人家  
簫鼓白鷗邊哀容愁問州民事勝槩欣逢太守賢為我刺題  
蕭洒句還聞鳳沼待詩仙

送馬子山給事赴揚州

都人供帳國門東淮海兵符節制中青瑣議思虛夜月朱轡  
游衍值秋風侯陸誰在思張仲民喜重臨得次公內外忘懷  
能自適何時談笑一樽同

和李上舍冬日書事

韓子蒼

北風吹日晝多陰日暮擁階黃葉深倦鵲遶枝翻凍影飛鴻  
摩月墮孤陰推愁不去如相覓與老無期稍見侵顧藉微官  
少年事病來那復一分心

夜泊寧陵

汴水日馳三百里扁舟東下更開帆旦辭杞國風微北夜泊  
寧陵月正南老樹挾霜鳴翠之寒花垂露落慘之茫然不悟  
身何處水色天光共蔚藍

送宣州周表卿

昔年束帶侍明光曾見揮毫對御床將為驂騑已騰踏不知  
鵬鷲尚摧藏官居四合峰巒綠驛路千林橘柚黃莫戀鄉關  
留不去漢庭今重甲科郎

招魯清

范雍

吏隱便同真隱者閉門終日懶追隨人間寡合無如我天下  
知音更有誰莫為利名疎舊分好灰心計話前期後今寂寞  
吟情減只有思君兩首詩



秋日泛舟走筆呈同游諸公

邢惇夫

秋波欲灑泛橫溪小楫輕舟逐浪移遠浦遙山俱慘淡浴鳧  
飛鷺共差池苦憐斜日侵碁局安得長竿理釣絲歸去傾家  
新釀酒還須來趁菊花時

夏日三首

張文潛

長夏村墟風日清簷牙燕雀已生成蝶衣晒粉花枝午蛛網  
添絲屋角晴落日踈簾邀月影嚙之虛枕納溪聲又判兩鬢  
如霜雪直欲携漁過此生

黃簾綠幕斷飛蠅午影當軒睡未興枕穩海魚鱗紫石扇涼  
山雪盡青繒廊陰日轉雕欄樹坐冷風生玉盃冰滿座詩書  
塵盡甚故應踈懶過炎蒸

棗徑瓜畦過雨香白衫烏帽野人裝幽花避日房之飲翠針

春風苦之凍養拙又判歲姓字致身安事巧文章漢庭卿相  
皆豪傑不遇何妨白髮即

夏日雜興二首

墻下溪流清且長夾流喬木兩蒼蒼  
暮風翠果擎枝重照水  
圓荷舞葉凍蝸角已枯黏粉壁燕泥時落汚書床  
南山野客閑相遇贈我能携藥滿筐

疎圃茅齋三畝餘溪光山影動浮虛  
病妻老去惟尋藥稚子  
年來解愛書中散無堪心放蕩馮唐已老興蕭疎  
全真養素安吾分敢謂軒裳不我如

和吳應之大暑書事

蓬門久閉謝來車畏暑尤便小閣虛  
青引嫩苔留鳥篆綠垂  
殘葉帶重書寒泉出井功何有白羽邀涼計已疎  
忍待西風



一魚塢碧繪青繪意何如

送推官王永年致仕還鄉

為憶田園舊掃衣林官退隱似君稀  
塵埃擺脫青衫去閭里  
老差白髮歸南畝稻梁仍似熟舊山芝朮入秋肥  
百年後此  
言湖日寄語人間放是非

和即事

溪如垣塹木如城魚鳥從游信有情  
啁雀踏枝飛尚裊仰荷  
乘雨側還傾彈琴屢久重尋譜種藥多求旋記名于世久知  
無事直應歸學老農耕

和范三登淮亭

身如客雁寄汀洲北望休登王榭樓  
殘雪膈風搖歲晚早梅  
新柳動春愁免遣青舂甘無用敢向波濤較善游  
奔走塵埃

欲歸去勒移恐作故山羞

次韻張公遠

平淡春雲捧額浮秋光斂戰近  
人流無腸可斷方為恨有藥  
能治不是愁可待桃琴知有術  
亦曾驅豆更無謀遙知添得  
春窓夢猶在樽前燭下羞

次韻盛居中夜飲

吳衣歷拂洛陽塵愛寐一樽淮海濱  
每願托車常貯酒况逢  
投轄苦留賓蒼龍掛斗寒垂夜  
翡翠浮花暖作春上界高真  
是官府追隨却逐散仙人

同周楚望飲花園

杖藜携手踏青苔瀟洒池亭為客開  
柳色漸輕秋雨暗荷香  
時為好風來斜陽似欲粧  
詩句新月邀將入酒盃  
身世已甘



長安寔忘形，賴有子徘徊。

暮春

夜雨輕寒拂曉晴，牡丹開盡過清明。庭前落絮誰家柳，葉裡新聲是處鶯。白髮生來如有信，青春歸去更無情。便當種秫長成酒，遠學陶潛過此生。

春日遣興

流光向老惜芳菲，搔首悲歌心事違。綠野深成延晷永，亂紅吹盡放春歸。荆榛廢苑人閑牧，風雨空城鳥夜飛。斷送一畝桃李盡，可憐來柘有光輝。

和周廉彦

天光不動晚雲垂，芳草初長襯馬蹄。新月已生飛鳥外，落霞更在夕陽西。花開有客時沽酒，門冷無車出畏泥。路遠

期一醉天津，春浪綠浮堤。

夜泊

遠雁初歸楓葉乾，孤舟晚繫野灘邊。淮聲夜靜陵風壯，月色秋深客寒跡。拙功名甘澗，略飄零蹤跡。但悲嘆不關酒薄，難成醉自是年來少所懽。

臘日二首

臘日開門雪滿山，愁陰短景歲將闌。江梅飄落香元在，汀鴈飛鳴意已還。佳節再逢身且健，一尊相屬髮生斑。明光起草真榮事，窳人衙門我且閑。

異鄉懷舊人千里，勝日難忘酒一盃。不恨北風催短景，最憐殘雪冷疎梅。江邊寒色鴈催盡，天上春光斗絕回。獨我呼兒贖九藥，微功聊取助衰骸。



上元思京輦舊遊三首

萬雉春城逼絳霄上元輦盛遊遨遲遲瑞月低黃金焯焯  
榮光上赭袍雲卷珠簾開綵雉山盤玉闕枕仙鰲長安一別  
將華髮溪竹山城夜寂寥

九門燈火夜交光羅綺風來撲面香信馬恣穿深巷柳隨人  
偷看隔簾粧身拘舊宦安知樂心逐流年暗減狂留滯山城  
莫嗟嘆貂蟬後古屬金張

隨計當年寄玉京一時交結盡豪英倒觥凌亂迷籌飲醉帽  
歌斜並轡行仕路飛騰輸俊捷山城憔悴感功名佳辰強酌  
清樽酒寒竹蕭蕭月正明

寒食贈遊客

陰陰畫幙映維欄一縷微香寶篆殘寒食園林三月近落花

風雨五更寒等調賢柱絃初穩酒滿金壺飲未乾明日踏青  
郊外去綠楊門巷繫雕鞍

竹堂

誰道清貧守冷官遶家十萬翠琅玕直應流水深相與不待  
清風已自寒學得鳳鳴真自許化成龍去不知蟻知君何事  
無來客可是王郎獨與歡

次韻王仲至西池會飲

聖朝無復用舟師戲遣艨艟插戟枝沸浪有聲黃帽動春風  
無力彩旗垂不勝杯杓寧辭醉傳語風光共此嬉遠比永和  
真繼軌臨模畫紙看他時

梅花

北風萬木正蒼蒼獨占新春第一芳調鼎自期終有實論苑



天下更無香月娥服馭無非素玉女精神不尚粧洛岸苦寒  
相見晚曉來魂夢到江鄉

北橋送客

橋上垂楊繫馬嘶橋頭船尾插紅旗船來船去知多少橋北  
橋南長別離亭上幾傾行客酒遊人自唱少年詞百年回首  
皆陳迹浮世飄零亦可悲

送楊補之赴鄂州支使

相逢顧我尚童兒二十年来髮有絲涕淚兩家同患難光陰  
一半屬分離扁舟又作江湖別千里長懸夢寐思何日粗疇  
身世了卜鄰耕釣老追隨

送三姊之鄂州

兄弟分飛各一方老來分袂苦多傷兩行別淚江湖遠五月

征車岐路長休嘆伯鸞甘寂寞所欣楊惲好文章北歸會有  
相逢地只恐塵埃鬢易蒼

送曹子方赴福建運判

平生鄴下曹公子家世風流合有文橫槩尚傳聯相國紫髯  
不是畫將軍詔書寬大民何怨刺史威嚴吏合勤好作楚詞  
更下俚雲中一降武夷君

題裴晉公祠

獨持將鉞靜氛妖後世英名日月昭善聽聖君非易過將二  
凶豎不難梟悲風蔓草移今古野殿空庭鎖寐寥更有從軍  
老司馬勒銘文字配成詔

謁太昊祠

千里垂精帝道尊神祠近在國西門風搖廣殿松杉老雨入



脩廊羽衛昏日落狐狸號草莽年豐父老薦鷄豚舊遊零落  
今誰在塵壁蒼茫字半存

和聞鶯

舟之東風萬柳絲啼鶯常自與春期粧殘玉枕朝醒後綉倦  
紗窓書夢時文羽自竒非谷隱好音應合有人知風流潘令  
多才思為尔春來幾首詩

鴈

知時避就物之難千里瀟湘振羽翰水國稻收朝食乏海天  
霜重夜飛寒煙雲秋去南山暖風日春歸朔野寬九萬騰凌  
那可測之人增綴謾多端

自海至楚途寄馬全玉

蕭蕭之晚雨向風斜村遠荒涼三四家楚色迎雲迷稼穡秋聲

催曉起兼葭愁如夜月長隨客身似飛鴻不記家極目相望  
何處是海天無際落殘霞

宿泗州戒壇院

樓上鳴鐘門夜扃風簷送雨入疎棹老僧坐睡依深壁童子  
持經守暗燈千里塵埃長旅泊五年憂患困侵陵誰知避世  
天然子下見禪翁便服膺

登城樓

沙雨初乾布褐輕獨披衰蔓步高城天晴海上峰巒出野暗  
人家燈火明歸鳥各尋芳樹去夕陽微照遠村耕登樓已恨  
荊州遠况復安仁白髮生

宿柴城

臥埋塵葉走風烟齒豁頭童不計年起倒不供聊應俗高低



莫可只隨綠鼓之遠鼓三行夜隱之平湖四接天枕底波濤  
逢上雨故將鷓鴣思到愁邊

十二月十七日移病家居二首

老去塵懷痛洗前虛舟不繫任洄沿寸心若變有如日萬事  
不憂終在天莫為飢寒棄南畝須知糲藜有豐年桃符飯子  
喧問巷又向江城一歲捐

憑高遊目快遐瞻落日孤雲與水兼萬頃澤空供雪意一枝  
梅笑破冬嚴擎蒼未減飛揚興引滿何辭斗石添揚柳催春  
兼警客荒溝照影弄絨絨

寄陳鼎

懶看青山泥醉眠近來沽酒困無錢常憂送之鄰僧米何啻  
寒無坐客種直道謾憑詹尹卜浮生已付祖師禪祇因居士

知有淵明種福田

長句贈邨老

羸瘦坐齋種蒸噓念子柯山守舊廬盧叟今無僧送米董生  
的有吏徵租上書自薦心應恥扶策躬耕計未踈虎豹九關  
今肅穆王門行者曳長裾

歲晚有感

踈梅點之柳毳之殘臘新春氣候參天靜秋鴻來塞北雲收  
片月出江南青霄雨露將回律白首江湖尚避諛未信世途  
無倚仗有時清鏡理朝鬢

臥病月餘呈子由

風葉鳴牕已復朝喚回歸夢故人遺酒壺暗淡浮塵集藥鼎  
青炎收葉燒閉戶獨依寒燄碎移床更就兩芭蕉雪深更請



安心術長日如年未易消

病肺對雪

擁庭晴雪照高堂臥病悠之廢舉觴肺疾僅同園令渴齒傷  
不為勿輿狂交飛翠竿知誰醉獨嗅烏巾認舊香唯有烹茶  
心未厭故知淡薄味能長

晝臥懷陳三時陳三臥疾

睡如飲蜜入蜂房懶似遊絲百尺長陋巷誰過居士疾春風  
正作國人狂吟詩得瘦由無性辟穀身輕合有方欲餉子菜  
歸問婦一瓢過午尚懸墻

喜七元疾愈

淨名居士本非病五禽先生能養身家人但訝少陵觀鄉里  
不知顏子貧身內故知閑是藥人間誰有道通神喜聞漸離

烏皮几花氣晴來欲逼人

春日

輝、暖日弄游絲風軟晴雲緩之飛殘雪暗隨冰筍滴新春  
偷向柳梢歸可憐客鬢蹉跎老每惜梅花取次稀何事都城  
輕薄子買懽沽酒試春衣

春暮

春盡空餘白日長枝頭青杏已堪嘗人閑簾幙燕相語風暖  
園林柳半黃病裡不知時節換老來都減少年狂殘盃濁酒  
猶堪在更遣流鶯送幾觴

和御製賞花釣魚二首

鄭毅夫

輦路鮮雲五色開一聲清蹕下天來水光翠繞九重殿花氣  
濃薰萬壽杯綉幕煙深紅會合文竿風引綠徘徊蓬山絕頂



無人到詔許群仙盡日陪

禁籞平明帳殿開華芝初下未央來人間彩鳳儀韶曲天上  
流霞滿御盃花近赭袍偏照爛魚窺仙仗六徘徊蓬萊絕景  
何曾到自愧塵埃此一陪

送程公闢給事出守會稽兼集賢殿脩撰

越州太守何瀟洒應為能吟住集仙雪急紫濛催玉勒日長  
青瑣聽薰絃一時冠蓋傾離席半醉珠璣落彩牋自恨君息  
渾未報五湖終負釣魚船

寄程公闢

念昔都門手一携春禽幾向苧蘿啼夢回金殿風光別吟到  
冰河月影低舞急錦腰迎十八酒酣金盞照東西何時得  
共六雪棹同君泛剡溪

奉詔赴瓊林苑燕餞太尉潞國文公出鎮西都

都門秋色滿旌旗祖帳容陪醉御卮功業迥高嘉祐末精神  
如破貝州時匣中寶劍騰霜鏢海上仙桃壓露枝昨日更聞  
褒詔下別看名姓入烝彝

送公闢給事自青州致仕歸吳中

青瑣仙人解玉符秋風一夜滿江湖曾教鄭水來九曲未掃  
旄頭負壯圖終日望君天欲盡平生知我世無漏舟應約  
元宮保瀟洒蓮涇二丈夫

雪中梅

臘雪欺寒飄玉塵早梅鬪巧雪中春更無  
清香可辨真姑射仙人冰作體秦家公主  
稱佳麗更作廣寒宮裡人



聞南陽呂諫議誨長逝

子文三仕去何頻一臥南陽竟沒身  
明主自應容直道皇天何事殺忠臣  
拄天力屈空留草貫日心存不化塵  
黃壤不知人世事為君慟哭楚江濱

送唐介之貶所

李誠之

孤忠自許衆不與獨立敢言人所難  
去國一身輕似葉高名千古重於山  
並游英俊後顏何厚未死姦諛骨已寒  
天為吾皇扶社稷肯教夫子不生還

潤州甘露寺

沈存中

丞相高齋半草萊舊時風月滿亭臺  
地後日月生時見眼到江山盡處回  
三國是非春夢斷六朝城闕野花開  
心隨潮水漫之去流遍烟村半日來

示諸君

徐仲車

古俗今時不用分只將虛實判澆淳  
養心有要先陰偽入德無難只用真  
此道若從為得路他岐如主是迷津  
我曹好讓雖迂濶最愛山夫共野人

聞趙正夫遷門下

鄒志完

促膝論心十二年有時忠分淚潛然  
不聞一事拳之救但見三臺每之遷  
天地豈容將計免國家能報乃身全  
他時會有相逢日解說何由復自賢

旅中論懷

俞秀老

白浪紅塵二十春就中奔走費光陰  
有時俗事不稱意無限好山都上心  
一面琴為方外交數篇詩當橐中金  
會須將尔同歸去家在碧溪烟樹深



寄隱居士

謝無逸

處士骨相不封侯卜居但得林塘幽家藏玉唾幾千卷手校  
韋編三十秋相知四海孰青眼高臥一麾今白頭襄陽耆舊  
即獨苦祇有龐公不入州

秋後竹夫人

呂居仁

與君宿昔尚同床正坐西風一夜涼便學短檠牆角棄不如  
團扇篋中藏人情易變乃如此世事多虞祇自傷却笑班姬  
與陳后一生辛苦望專房

探春

謾遣兒童掃雪開却穿籬落看春回溪山冷落泥三尺故舊  
飄零酒一盃止買芒鞋供踏雪更携藜杖去尋梅玉川縱老  
生涯在時有隣僧送米來

探梅呈汪信民

縞帶銀盃欲著塵小園幽樹已含春風流王謝佳公子臭味  
曹劉入幕賓細粲定無塵土沈暗香猶帶雪霜新刺摩枵腹  
搜奇句去惱城南得定人

謝勝尉送梅

破帷冷落不禁風疾病深藏稱懶慵忽有梅花來陋巷喜聞  
春信出初冬未須趁雪爭光觀尚恐衝寒不滿容會約君家  
好兄弟他年樽酒更相從

江梅

江梅消息未真傳微露芳心几杖前不信冰霜能作惡要令  
桃李便爭先斜枝似帶千峯雪冷艷偷回二月天准擬從君  
出城去竹輿仍勝百花驪



苦雨

雨溼東瀾連西瀾雲斷前山起後山野水到門人去盡昏烟  
迷對鳥飛還江天日月薄無色客路風埃只強顏舞石至今  
隨燕乳裁詩不復哭龍慳

柳州開元寺夏雨

風雨脩之似晚秋鴉歸門掩伴僧幽雲深不見千巘秀水漲  
初聞萬壑流鍾喚夢回空悵望人傳書至竟沉浮面如田字  
非吾相莫羨班超封列侯

用寄壁上人韻范元實趙才仲及從對知止

故人瓶錫各西東吾道從來冀北空病去漸於文字懶南來  
猶覺歲時公江回夜雨千巘黑霜看高林萬葉紅政好還家  
君未肯莫教慚愧北窓風

西歸舟中懷通泰諸君

一雙一隻路傍埃下有乍無天際星亂葉入船侵破衲疾風  
吹水擁枯萍山林何謝南方駕詩語曹劉可乞靈酒盃茶甌  
俱不厭為公醉倒為公醒

鳳凰臺次太白韻

郭功甫

高臺不見鳳凰遊浩浩長江入海流舞罷青娥同去國戰餘  
白骨尚盈丘風搖落日吹行棹潮擁新沙換故洲結綺臨春  
無處覓年年荒草向人愁

郊丘從駕

彭器資

今歲郊丘上始躬宿齋初出未央宮百年禮樂星辰爛萬國  
衣冠錦繡中精意與天相接應人心如水自流通聖時好作  
休成記今日誰為太史公



自然亭

張伯常

久雨妨漁復滯樵自然亭上一道遙萬緣不自閑  
起百事唯於睡裡消老去自知如蟻蠊病來誰悟似芭蕉  
愛名之世忘名客幸有山林舊市朝

次韻荅清江主簿趙彥成

黃知命

日轉溪山幾百遭厭聞虎嘯與猿號笙歌忽把二天酒  
風雨猶驚三峽濤已作齊民尋要術安能痛飲讀離騷  
看君自是青田質清淚當聞徹九臯

梅花

晁君成

皎々仙姿脉々情絳羅織萼果瑤英色侔姑射無雙白  
香比醑醪一倍清臘後春前芳信密水邊林下曉粧明  
故應不屬東君管冷豔孤芳取次成

退居

宦情文思競闌珊利戶名樞莫我關無可奈何新白髮  
不如歸去舊青山須知百歲都為夢未信千金買得閑  
珍重尊中賢聖酒非因風月亦閒顏

香山

浪兀孤舟一葉輕香山登步覺神清幾多怪石全勝畫  
太平奇花不識名猿狖盡當吟裡見烟霞抵向眼前生  
官身未約重來此酒滿螺盃月正明

代祖父次韻酬羅君寶見贈

廖用中

蕭條門巷陋於顏老去青春僅得閑心畫傳家無計策  
手談留客漫機關靜思往事千年上俯嘆勞生一夢間  
多謝光臨無別意為聞流水與高山



題杜子書堂

趙閱道

直將騷雅鎮滄溟瓊貝千章照古今天地不能籠大句鬼神  
無處避幽吟幾逃兵火羈危極欲厚民風意思深茅屋一間  
遺像在有誰於此是知音

杭州清風閣

庭有松蘿砌有苔退公聊此遠塵埃潮音隱之海門至泉勢  
潺之石縫來夜榻余猶仙夢覺曉窗燈火佛書開休官不久  
輕舟去喜過嚴陵舊釣臺

次韻和趙令時

陸農師

無事何妨數命賓一湖清境是西鄰栽花要與春為主對酒  
嗔將月借人詩就彩牋舒卷玉舞餘花柳倒垂銀由來景少  
常無價漫道錢多會有神

贈別吳興太守中父學士

蓬山仙子任天真乞領南麾奏疏頻金鎖開邊辭巖屋水晶  
宮裡約朱輪公庭事簡煩丞掾齋閣詩多泣鬼神莫為行春  
戀茗雪壺坡揮筆待詞臣

次韻李泰對退老堂

呂元直

東郊半隱遠群峰門外滄之一水通再歲依棲欣有幸十年  
遭濟嘆無功閑心不厭耕南畝清夜猶思歿北戎看取中原  
恢復後麒麟圖畫首膚公

次韻張全真參政浪淘沙

東郊卜築傍溪流幽香中寄小脫去簪紳歸畝悟來  
漁釣勝公侯青雲舊好何妨厚白雲新詩為寵留又指湘潭  
問行路一堂風月阻同遊



次韻蔡村厚退居堂

心存魏闕豈能忘，揣分非才合退藏。此日燕休難報國，平生艱阻憶垂堂。枕戈每嘆身先老，覽鏡常嗟貌不揚。每羨遠廬聊偃息，會須恢復返吾鄉。

次韻李拒梅花

晁無咎

寒蟲幽霧不曾開，殘雪猶封宿草萊。一萼故應先臘破，百花渾未覺春來。慙非上苑青房比，誤作唐昌碎月猜。常恨清谿照疎影，橫斜還許落金杯。

次韻李拒雙頭牡丹

寒食春光欲盡頭，誰拋兩路傍。毬二喬新獲吳公怯，雙隗初臨晉帳羞。月底故應相伴語，風前各是一般愁。使君腹有詩千首，為尔情如篆印繆。非美

次韻李拒牡丹

天紅穠綠總教回，更待清明穀雨催。一朶故應偏晚出，百花渾似不曾開。常誇西洛青屏簇，又說南徐紫錦堆。任是無情還有意，不知千里為誰來。

漢武

錢師聖

一曲橫汾鼓吹迴，侍臣高會柏梁臺。金芝燁煜凌晨見，青雀軒翔白晝來。立候東溟邀鶴駕，窮兵西極待龍媒。甘泉祭罷神光滅，更遣人間識玉杯。

明皇

山上湯泉架玉梁，雲中複道拂瑤光。絲囊暗合三危露，翠幘時遺百和香。任是金鷄親便坐，更拋珠被掩方牀。勿令一曲梁州蘇萬里，橋邊見夕陽。



始皇

天極周環百二都六王鍾鏐接流蘇金推謾築甘泉道七首  
還隨督九圖已覺副車驚博浪更携連弩望蓬壺不將寸土  
封諸子劉項由來是匹夫

寄靈仙觀舒職方學士

方瞳玄髮稱為郎絳闕齋心奉紫皇徵士高懷雲在嶺騷人  
秋思水周堂閑園露草開三徑靈宇華燈燭九光知有美田  
堪種玉幾時春渚逐歸艎

公子

蓮勺交衢接荻園來時十里一開筵歌翻南國桃根曲馬過  
章臺杏葉鞦別殿對廻雙綬貴後門歸夜九枝然閑隨翠幘  
歌烏帽紫陌三條入柳煙

江樓閑望

趙德麟

紅塵無處不諠譁獨上江樓四望賒汲水僧歸林下寺待船  
人立渡頭沙雲蔽島外啼猿樹竹鎖橋邊賣酒家吟罷凭闌  
心更逸海風吹斷莫天霞

成都

劉子儀

鏤膚剽俗恣遊遨可得蹲鳩號富饒井絡共知天與險蠶叢  
無柰世興妖杜鵑積恨花如血諸葛遺靈柏半燒才似文園  
何足道一生琴意祗成瘠

漢武

漢武天臺接絳河半涵飛霧鬱嵯峨桑田欲看他年變瓠子  
先成此日歌夏鼎幾遷空象物秦橋未就已沉波相如作賦  
徒能諷却助飄飄逸氣多



明皇

歲之南山見壽星百蠻回首奉威靈梨園法部兼胡部玉輦  
長亭復短亭河鼓暗期隨日轉馬鬼恨血染塵腥兩歸重按  
臨波舞故老相看但涕零

始皇

利甯由來得擅場畫遷豪富入咸陽厲車夜出迷雲雨峻令  
朝行刺虎狼前殿建旗臨紫極東門立石見扶乘從臣喜頌  
徒虛美不奈盧生議國亡

題林逋士肥上新屋壁

久厭侯鯖畫室來卜居臨近釣魚臺舊山鶴怨無錢買新竹  
僧同借宅栽載酒誰從揚子學棹舟空訪戴逵回袖毫有污  
東陽壁但惜明時老澗才

淮水暴漲舟中有作

行極目天無柱渺之橫流眼有花客子方思舟下破陰虬  
自喜海為家村遙樹列秦川齊岸澗牛分觸氏蝸鳥嘯風高  
良可畏此情難諭坎中蛙

寄靈仙觀舒職方學士

石渠仙署久離群抗迹丹臺世絕倫揚子不甘朝尚白漆園  
終許自全真紫煙深處鸞雙舞朱髓成來鳥共伸若向雲中  
見鷄犬可能渾望姓劉人

公子

油壁香車隔渭橋黃山路遠苦相邀行庖爨蠟雕胡熟永埒  
鋪金汗血驕別館橫陳張勝婉期門長揖霍嫖姚注鉤握槊  
曾無憚綠桂膏濃曉未銷



遊山寺

王禹玉

寒日征騾懶復回，經宵仍喜駐巖隈。逕盤幽迹遙知鹿，林逗清香定有梅。曉影瘦猿窺澗溜，夜深肥粟炷爐灰。我心非動亦非靜，白足禪僧無妄猜。

同器之過金山別後奉寄七言兼呈潛道

憶同支遁宿歎，豈不負平生壯觀心。北固山隨三楚盡，中冷水入九江深。紛之落月搖窓影，杳之歸舟送梵音。東去何時來蠟屐，天邊爽氣夢相尋。

恭和御製上元觀燈

雪消華月滿高堂，萬燭當樓寶扇開。雙鳳雲中扶輦下，六鷲海上駕山來。鶴宮春酒霑周燕，汾水秋風陋漢材。一曲昇平入共樂，君王又進紫霞杯。

且工永對書事

詔書初下，陛下西廂重棘連。催暮錦忙綠繡珥，貂留帝詔紫衣鋪。案拜空，衣香卷如驟雨收。聲急筆似飛泉落，勢長十五年前出門下。且取榮今日預東堂。

依韻和元厚之內翰平羌

詔收新，工鳳林東四百餘年。陷犬戎蔥嶺自橫秦，塞上金城還落漢。圖中輕裘坐嘯無餘粟，解髮來庭有舊風。零雨未濛音已捷，不勞歸旅詠周公。

依韻和蔡樞密岷洮恢復部落迎降

河湟形勝壓西陲，忽覺連營列漢旗。天子坐籌星兩之將軍，解佩印田繫之稱觴別殿傳新曲。銜璧名王按舊儀，江漢一篇尤未羨。周宣方事伐淮夷。



四聞神謬米脂川大捷

神兵十萬忽乘秋西磧妖氛一夕收  
死馬不嘶榆塞外長城自起玉關頭  
君王別繪凌煙閣將帥今輕定遠侯  
莫道無人能報國紅旗行去取涼州

金陵懷古

控帶洪流古帝城欲尋舊事半榛荆  
六朝山色情終在千古江聲恨不平  
設險丘陵荒蔓草帶城堞拓接新耕  
十年重到無人問獨立東風一愴情

登懸瓠城感吳季子

將軍戈甲後天下丞相旌旗匝地來  
堪笑怒螳猶強臂不知蟄戶欲驚雷  
咄嗟武相深寃洗指顧山東逆境開  
吏部聲名千古在斷碑何處臥蒼苔

三鄉懷古

清洛東流去不還漢唐遺事有無閒  
廟荒古木連空谷宮廢春蕪入亂山  
南陌絮飛人寂寂空城花落鳥關關  
登臨幾度遊人老又對東風鬢欲班

登海州樓

城外滄溟日夜流城南山直對城樓  
溪田雨足禾先熟海樹風高葉易秋  
踈傳里閭詢故老秦皇車甲想東游  
客心不待傷千里檻外風煙盡是愁

次韻金陵懷古四首

劉貢父

虎踞群山帶遶江為誰興國為誰降  
高臺麋鹿看無數廢苑鳧鷖去自雙  
萬事朝雲隨逝水百年西日照虛窓  
白門酒美東風快笑數英雄盡一缸



樓船西下勢橫江元帥旌旗就約降旋報前師覆張悌亟傳  
單騎馘王雙燕焚正自當烟突蟻酒何堪值水窓回首三軍  
歡奏凱萬牛行肉酒千缸

楚貢來遲詭問江漢收群策士心降一言已重黃金百再見  
仍蒙白璧雙票客脫身甘馬革老儒投筆謝書窓豈知三閣  
酣詩酒浩唱庭花倒玉缸

頽垣落水半平江喬木呼風不易降耕出珠璣時得一道逢  
麟鳳不成雙潮聲半夜來寒渚月色深秋照舊窓唯有魚鹽  
城下市檣烏相對集瓶缸

次韻賦楊花

張芸叟

隨風墜落事輕猥巧占人間欲夏天只恐障空飛似雪後教  
糝徑白於綿未央宮暖黏歌袖楊子江清惱客船老去強寬

愁底事昏花滿眼意茫然

示同會

朱仲新

無奈春寒老不禁喜看晴日上窓櫺群花半露乾坤巧百刻  
平分晝夜停拄杖有時挑菜甲桔槔無復問畦丁逢春不出  
何為者衆醉誰知可獨醒

和草堂呂君玉梅花

崔德符

綽約冰肌絕可憐雪中飛燕自偏妍迎春不負千金諾占上  
常羸一着先斜倚野橋愁脉脉獨窺冰水淨消消着人自有  
奇香在不是偷將與少年

雪

朔風萬里卷龍沙剪出千林六出花仙子衣裳雲不染天人  
顏色玉無瑕月寒桂樹尤藏秀海凍珊瑚未敢芽欲上疎簾



望南北却愁光照鬢邊華

送劉改之

王簡卿

劉子堂，七尺軀高談世事奮鬚鬚觀渠論到前賢處據我  
看來近世無出語令人驚辟易處窮無鬼敢擲揄倘祥鬧市

渾無畏要是人間烈丈夫

和公齊臨替有感見寄

王彥霖

孤宦邊城遇衆賢及瓜能不動依然風號古木葉堆地雲攬  
遙山水拍天籬菊開時寒有信賓鴻過後暑無權古今惜別  
君須念乘暇何妨到酒邊

文翰類選大成卷第五十五



書